

度

支

奏

議

度支奏議卷之十九

新餉司目錄

議覆島兵奏報單式疏

覆登島餉額并留用東省新餉疏

覆永鎮賑濟并額軍補缺數目疏

考覈關外餉司王四聰疏

覆津部三年召買事竣疏

覆通鎮設監軍道夫廩公費疏

覆南部科議留事例稅課疏

覆鄖撫梁應澤措抵援兵餉銀疏

覆登島餉額留用山東新餉疏

覆南戶部鼓鑄還本并奏報事宜疏

題覆摘叅聶廷璋前件議罰疏

題請暫借輕賚漕折等銀克餉疏

覆河南撫按請蠲衝疲州縣新派三釐疏

覆楚省餉額免派并抵補緣繇疏

題回奏祖大壽鄧垓兵馬糧餉疏

覆科臣史應聘條議催徵召買疏

覆保撫題留保河六府優免銀項疏

覆山西保德等十七州縣免新派一年疏

回奏請借光祿等銀已未兌發疏

題明密永餉司本折新舊借補疏

覆駁忠義營及鄧總兵從役行月兼支疏

回奏發過所借間銀日期疏

覆川省抵解援具原借安家月餉疏

覆賞功銀兩非戶部職掌疏

覆班軍鹽菜秦兵月餉疏

因旱陳言兵冗餉詘疏

覲叅省直府州縣各官疏

旱災奉 詔求言條陳十款疏

度支奏議卷之十九

太子太保戶部尚書淄青畢自嚴視草

議覆島兵奏報單式疏

題爲查發單式以一規制事專理新餉山東清吏
司案呈崇禎四年三月十五日奉本部送戶科
抄出登撫孫元化奏前事內開島兵紛紜無法
猝難齊一所發部單營制冊式勢難與新舊登
營按月齊報等因本年三月十三日奉

聖旨該部科看議具奏欽此欽遵抄出到部送司相

應議覆案呈到部該臣等會同管理新餉右侍郎周士樸查核戶科給事中許世璽看得兵餉之不相蒙久矣自

廟堂銳意清核屢奉

欽依臣部會同綜核科臣檄取營冊而始覩食餉之爲何人給與印單而始知給餉之爲何日島雖越在海外乎一切以此法行之卽不忍謂鵠面窮島盡是子虛之影響亦惟是文移駁覈使人心凜我漢索知

中朝一粒一錢皆如指掌不可欺誑云爾乃該撫疏
稱東江兵民雜揉銷算難清瀚海風濤期會難
定欲爲該島請展月報之期夫海外一旅向來
半屬羈縻寬文法假便宜正爲此等將領而設
臣部何用拘泥成案而僕僕東人也乎且臣部
議定東省全餉盡歸該撫裒益措給則該撫一
操一縱之間某營幾兵某嶼幾民當必燦然凡
案能詭臣部不能詭該撫也從來之紛然者想
自茲截然矣但兵餉盈縮之數部科終難盡諉

不問或令半年一報或令三月一報偶不如期
可無苛督俟該撫設法西移令民皆就屯兵皆
歸伍之日然後另照原限造報無不可也旣經
該撫具題前來相應覆

請恭候

命下臣部移文該撫遵奉施行

崇禎四年四月初二日具

題本月初五日奉

聖旨單冊月報查核易清但海外兵民雜處險遠難

期豈能畫一這單式還聽便宜俟該撫用海制定
另議具奏欽此

覆登島餉額并留用東省新餉疏

題爲微臣到任三月畧述料理事宜以明臣審以
祈

聖鑒事專理新餉山東清吏司案呈崇禎四年三月
二十七日奉本部送戶科抄出本部題覆前事
等因本年三月二十六日奉

聖旨這登島兵餉頭緒紛煩還宜逐款開列要見孫
元化所請若干該部所應若干其部應內要見京
庫給發若干東省留用若干其省留內要見某項

便可濟用某項尚須徵通又民運幫支定給何處
島米多欠是否漂流俱另疏詳明三日內具奏
衙門知道欽此又該登撫孫元化題爲議改運道
以裕儲省費事本年三月二十六日奉

聖旨島運積弊種種難窮這奏盡革濫委立爲徵收
押運交倉赴領等法具見釐剔海口廣爲八處果
否長便併米價應否量增該部卽與議覆其餘各
款俱聽便宜行欽此欽遵到部送司又奉本部
准登撫孫元化揭帖爲微臣到任三月等事

稱海鎮標兵應比遼鎮遼鎮果已減汰海鎮標
當同之若猶未也海險於遼難於遼不望加足
矣是鎮標實可歲省餉乾一萬六千二百三十
五兩四錢米三千一十二石道標實可歲省餉
銀二千八百六十八兩米四百八十七石二斗
所當聽貴部確核定請者也至於米數多寡內
外懸殊其理易明蓋內以所發之數爲完而外
以所收之數爲實內以文書出部之日爲發而
外以本折到手之日爲收故從來報額無不參

差今島米有已報失風者有未報失風而未報
實收者有已獲實收而查係假實收者外實未
收安得不爲內欠運委之肉不足食也附以理
之理合具揭等因到部奉批據揭入疏奉此該
應逐款開列具覆案呈到部該臣等看得登撫
建牙溟渤圖恢遼土臣部誼在同舟志切相成
凡有所請奚敢固執以掣其肘登島新舊本折
糧餉應增應減之數俱一以撫臣之議爲主臣
部復按經制畧加叅酌質之樞臣以求可繼

終不敢以遙度之節省亂當局之壯畧也總計
登撫所請之餉共八十二萬九千四百三十五
兩三錢四分五釐三毫四忽而鮮運腳價不與
焉臣部業照數應之其銀卽以東省四年加派
雜項金遼鎮民運等銀七十八萬八千八百一
十兩有奇益以捐助并二三兩年民屯并扣剩
新餉等銀三萬一千四百七兩三錢九分共銀
八十一萬八千十七兩五錢六分七釐有零悉
以相昇聽撫臣就近催科隨便供億內如加派

雜項民運三項俱係見年之賦捐助一項亦
見在之銀朝呼夕應便可濟用其二三兩年
屯原係楚邦禎

奏報曾經起解一年亦非懸空惟新餉扣剩銀
萬一千四百餘兩係客歲未完之數尚費追解
然爲數無幾者也况東省地方係撫臣節鉞所
蒞非鞭長不及之地檄催郡縣可以隨取隨解
通計京庫之應找給者止該一萬一千四百
七兩零其鮮運腳價二萬七千八百三十八

零向係京庫發津亦未筭入前額之內又民運
帮支原係東省額解遼鎮舊額年來俱改解部
今遼餉悉係京庫給發故以民運改歸登撫臣
部之所應於登撫者件件皆屬實際而非敢以
虛數逋額搪抵者也約計是役也樞臣原減兵
額船租四萬三千九百兩今登撫止認其半餘
尚未允臣亦從之而米價每石增二錢又增銀
一萬三千八百餘兩豆價初議四錢登撫再疏
中有五錢云云而未竟其說今亦照增一錢又

增豆價八千一百三十餘兩總以登萊去秋
雨爲災糧價騰貴故爲酌增徐俟登鎮有年
行議減因時制宜想登撫亦必不堅執耳臣
於用海一著亦已有呼必應事求可功求成
若強兵腹以就物價今且破部例以就時宜
似相左而事實相成者也若登撫更置運務
海口之廣爲三爲八緣登萊買運島糧每以
陸運轉輸爲苦則海口政多多益善耳又漂
流虛實惟登撫得而核之頃據來揭謂島米
報額參

各自有說多屬運委之弊臣部隔遠難以臆決
此在撫臣加意查核剔除積弊以收實用而臣
部不便找補者也再照臣部議留東省全餉以
應登島諸費尚該京庫發銀一萬一千四百十
七兩零但查登撫經制款開黃龍標下出海官
丁以二月爲始出海添道以四月爲始出海添
倉以四月爲始用海輜重以五月爲始原非一
年全額臣部合盤打筭八十二萬九千之中尚
可餘銀一萬五千八百餘兩卽不便瑣瑣扣留

而兼除相準似可寬臣部今歲之發補矣特
逐款開列恭呈

御覽請自

聖裁伏候

命下臣部移文各該衙門遵奉施行

計開

登州新定六營自崇禎三年九月起至十

二月止

額設官兵員役共八千七百九十六

員名

馬騾駝三千三百八十四匹頭隻

戰船八十六隻

據登撫冊開四箇月廩餉馬乾船稅

米豆折銀共該九萬六百四十七

兩九錢七分四毫內除本省額設

并小盡扣克一千八百二兩二錢

二分七釐六絲四忽青州府解過

一萬九千三十三兩九錢五分四

釐八毫一絲六忽會扣移來島
一萬八百六十一兩二錢移來
米折銀六千二百五兩八錢六分
六釐四毫八絲空兵米并空馬乾
銀料豆折銀歸還戶部共銀一萬
四千七百一兩九錢五釐五毫三
絲六忽

以上共扣發過銀五萬二千六百五
兩一錢五分三釐八毫九絲六忽

前件該找銀三萬八千四十二兩八錢一分六釐五毫四忽俱於登庫借發總於東省餉銀內聽其支補

崇禎四年分

據登撫新定六營共十五項防海驛
島連戰官丁匠役八千七百九十
七員名用海漸設應增官丁匠役
二千八百五十六員名西洋銃師
官役六十二員名通共官丁匠役

一萬一千七百一十五員名馬

牛五千四百一十六匹頭隻戰

一百六隻

每月廩餉二萬二千二百三十二兩

九錢一分七釐六毫連閏歲該三

十八萬九千二十七兩九錢二分

八釐八毫

每月草乾三千五百二十兩八錢連

閏歲該四萬五千七百七十兩四

錢

每月船租一千六十兩連閏歲該

萬三千七百八十兩

每月米五千三百三十六石連閏歲

該米六萬九千三百六十八石

據登撫冊開每石八錢今據登撫

稱米價騰貴每石一兩該銀六萬

九千三百六十八兩

每月豆六千二百五十九石二斗

聞歲該八萬一千三百六十九

六斗先據登撫冊開每石四錢

據登撫因豆價騰貴每石五錢

銀四萬六百八十四兩八錢

以上六管廩餉草乾船租米豆折銀

連閏歲該四十五萬八千六百三

十一兩一錢二分八釐八毫

前件先該兵部議減船租二千二百

兩銳師雜役廩餉一千七百兩

鎮雜役哨馬等項歲省三萬金
軍官役等項歲省萬金共歲省四
萬三千九百兩今登撫揭稱難以
裁減止可於鎮標歲省餉乾一萬
六千二百三十五兩四錢米三千
十二石亦以每石一兩扣筭計銀
三千十二兩道標歲省廩餉二千
八百六十八兩米四百八十七石
二斗每石一兩計銀四百八十七

兩二錢二分共省銀二萬二千

百二兩六錢半該原餉草乾船

米豆折銀共四十三萬六千二

八兩五錢二分八釐八毫

登州原食新餉舊兵

官兵三千六百七十員名

馬六百七匹

戰船八十六隻

歲支新餉八萬二千八百四十兩八錢

前件查與舊經制同

河東鎮登撫裁定經制

官兵二萬三千三十三員名

歲支餉銀二十萬二千八百五兩二錢

歲支米一十三萬七千七百十三石內

除津運六萬八千石不用價外實

該買運米六萬九千七百十八石

照登撫疏稱每石一兩該銀六萬

九千七百十八兩

前件應如登撫所議

以上崇禎三年四箇月該找給銀
萬八千四十二兩八錢一分六釐
五毫四忽

崇禎四年分連開該登島二鎮餉銀
十九萬一千三百九十二兩五錢
二分八釐八毫連三年四箇月
共該餉銀八十二萬九千四百
十五兩三錢四分五釐三毫四

戶部東省見徵新餉錢糧

崇禎二年分萊州府各衛所有閏支剩
民屯銀四千六百二兩一錢四分
零

崇禎三年分無閏支剩民屯銀六千三
百七十七兩三錢八分零

崇禎三年分未解捐助銀九千兩又本
年新餉民運扣剩未解銀一萬一
千四百二十七兩八錢七分共三

萬一千四百七兩三錢九分

崇禎四年分

額該加派五十五萬五千七百五十五

一兩九錢七分三釐

額該雜項八萬七千七百八十七兩

六錢六分

遼鎮民運銀十三萬三千三百九十五

兩四錢八分四釐

新增加派三釐該銀一十八萬五千

二百五十兩

四年分共銀九十六萬二千一百八十兩一錢一分七釐內除給德州新兵應扣銀二萬兩又本部代工部借發登鎮製器銀二萬兩又預徵四年分三分解到部銀十三萬五千五百六十九兩九錢四分零實在銀七十八萬六千六百十兩一錢七分七釐連崇禎二三年民

屯捐助等項通共東省銀八十二萬八千十七兩五錢六分七釐前件俱在山東給發此外不敷銀一萬一千四百一十七兩零應於京庫找給但查登撫原疏出海鎮道官丁等項俱截月支領原非一年全額細算尚可餘銀一萬五千八百餘兩不必找給

京庫給發

津門鮮運腳價二萬七千八百三十
八兩三分七釐不在八十二萬九
千四百三十餘兩之內又截漕米
六萬八千石亦在其外

崇禎四年四月初四日具

題本月初七日奉

聖旨據奏登島新餉舊額及議留東省新餉數適相
當知道了卽移會孫元化聽其督催濟用仍造冊
報部以憑稽核銷筭如郡縣有司玩延拖欠照例

恭處併島運深流恩實都者嚴查勒追不得任
委侵冒聚稱內欠其廣海口增米價俱依議本
一字訛七改正行欽此

覆永鎮賑濟并額軍補缺數目疏

題爲殘疆

國課無措災黎枵腹難堪仰冀

聖恩賜蠲賜賑以救饑民以固

國本事專理新餉山東清吏司案呈案查崇禎三年八月初六日該本部題覆順天巡撫許如蘭題前事等因八月初九日奉

聖旨據奏發過永鎮本折銀餉及寧兵糧料通融截給已無匱乏至永平額軍經虜缺數幾何募補幾

何節曠開支須從新查報豈得但憑故冊取撥
米尚未抵永無濟於急應否暫貯備用著通谷
撫及餉司詳查議確具覆欽此又該本部題覆新
撫臣劉可訓題爲薊門值徵前必後之時徵
抱臨深履薄之慮謹陳目前急着仰祈

聖鑒以據一得以保萬全事等因三年八月二十七

日奉

聖旨據奏新兵餉厚額軍餉薄不便填補固是第薊
門單虛亟須召募若新舊不相用這已募者作何

安頓宜條酌彼此規例不得但言餉無所出無議
紛更糧糗宜預謂可持久不定多寡不計遲速但
以截漕備需以買運責餉司以調度聽督撫豈餉
務可不關內部至州縣倉穀用恤患民未能博濟
還查前發漕糧果否實實徧給通着詳計確議具
奏欽此欽遵通行遵照在案除經奉行并附覆項
款不必再議外所有額軍缺補并賑濟事件屢
經查催去後十二月二十八日據永平府同知
李雲衢冊報收支漕糧料豆數目內開蒙永平

道案驗奉戶部劄發津運賑濟難民漕

石至劉家墩交卸又准永平府手本蒙本道
詳各州縣被虜輕重地方應發賑米多寡酌
樂亭縣賑米六百石昌黎縣賑米一千石撫
縣賑米七百石灤州二千二百石盧龍四千
遷安一千五百石自三年七月起至九月十
日止收過賑濟米八千九百二十八石五斗
少掛欠米四百八十一石五斗失風米五百
十石係運官高壘又蒙永平道案驗奉本部

付津部再發漕米一萬石給發永平各軍克餉
等因冊報到部奉批尚無州縣給散過花名細
數批送到司復行呈堂催取發散過花名細數
去後崇禎四年二月初一日據餉司刁化神呈
稱原准永平道批議該府呈詳各州縣被虜輕
重地方應發賑米多寡酌議樂亭六百石昌黎
一千石撫寧七百石滦州二千二百石盧龍四
千石遷安一千五百石已經派撥各州縣備查
被虜人戶分給去後未經開報散數續奉本部

題議改貯備需屢行催查未據冊報今據盧
縣冊開已賑濟過五千三百四十二丁用米
千一十二石四斗三升八合二勺四抄未賑米
一千九百八十七石五斗六升一合七勺六抄
遷安縣冊開已賑過一萬二百六十一丁用米
六百一十五石六斗六升未賑米八百八十四
石三斗四升其餘昌黎灤州樂亭撫寧四州縣
因地方寫遠無人支領止共賑過米二千六百
二十八石九升八合二勺四抄再除掛欠米

百八十一石五斗失風米五百九十石尚剩
六千三百石四斗一合七勺六抄陸續運永
府倉另貯或充軍儲或仍發賑候本部題明
奪今將盧龍遷安二縣造報花名原冊二本
送查覈等因二月十七日又准順天巡撫劉
訓咨准餉司刁郎中手本同前事合咨貴部
請查照前發永鎮賑米一萬石除賑過并掛
欠失風外尚剩存米六千三百石零或充軍
需或仍發賑希明咨示以便轉行餉司遵奉
施行等

因二月二十四日又據永平道方一藻呈稱
事到部奉批又貯可惜將無燬爛之患仍改
軍需可也虜變漸久無容賑矣新餉司速具
俱批送司查覆間四月初一日又奉本部送
薊遼總督張鳳翼咨爲摘叅易完過限事件以
倣怠玩以期速結事據永平管餉郎中刁化神
呈稱奉本部院劄付准戶部咨該本部題叅過
限未完事件內一件殘疆

國課無措等事一件薊門值懲前毖後之時等事

又一件薊永新兵日增等事過限未完於崇禎
肆年正月二十七日摘叅本月三十日奉

聖旨這摘叅未完初次違限各款依議分別再限
催并經管官員應查職名住俸的俱着該撫按
行回奏後限如違次第叅罰務要恪遵新例不
得徇徇該衙門知道欽此欽遵到部咨行部院
准此查得前項經制文冊見在攢造具疏其餘
事係劄仰該司速行詳查確議呈報以憑奏結
備劄到司奉此查得截扣錢糧俱經按月造入
餉冊

但憑是在數目給放臨散扣除逃故兵丁倒
馬匹還官銀兩俱逐月登冊

奏報其永鎮額軍舊缺新募名數并賑濟米數緣
繇擬合呈報本部院等因據此查得盧龍遷安
二縣賑過米數已經該司造冊呈送戶部訖其
灤昌樂撫四州縣未賑米數又經戶部題改充
餉無容再議所有募補額軍文冊理合轉造咨
送查照奏結等因到部奉批新餉司查議具題
奉此相應題覆案呈到部該臣等查看得客夏

永民當虜退之餘流離失所殘喘莫蘇四月終
旬新道臣張春具微臣遵

旨赴任一疏五月初一日奉有

明旨所請賑濟着戶部發米一萬石運赴薊鎮聽督
撫陸續支用欽此臣等仰體

皇上軫念流離

德意隨於次日咨行督撫津部并劄令司道卽將姪
文郁所運漕米內撥運萬石速期賑濟原借此
升斗以爲撫戢招徠地耳無奈運道阻滯輸輓

爲艱迫九月而前米尚在劉家墩未能達京
維時喪亂旣平民漸樂業已非哀鴻未定之初
矣是以臣部念存癸惜於覆疏中有暫貯備需
之議朕不忍以玉粒而泥沙擲之也今據該撫
司道冊報止賑過盧龍遷安二縣計用米二千
六百二十八石九升零掛欠米四百八十一石
五斗失風米五百九十石而存貯永倉者計米
六千三百石四斗有奇夫癘撫昌樂四州縣均
在派賑之中使其野有餓莩嗷嗷待哺守土者

方將急爲呼請之不暇顧乃催賑不報必其可
以不賑者也旣不煩施濟於昔時似無待附益
於今日除掛欠失風米石另行查確銷算外茲
存貯六千三百石有奇之餘米仍當還充軍糧
毋容久貯致滋燬爛之虞也至永鎮額軍缺補
查據督臣冊報以崇禎二年八月終止實在原
額官軍一萬六千二百三十六員名其經虜缺
數者共計官軍二千四百七十二員名扣至三
年十月終止通計募補過五百八十八員名缺

額未補者尚以一千八百八十四員名計數
臣查報之數而繼此以後自十一月迄今所募
補者尚不知幾何總之務期募補如額無失
軍初意若夫節曠開支近經按月

奏報見在奉行固無容稍有潤冒於其間也既經
督撫司道查報前來相應題覆恭候

命下臣部移文該督撫并飭行司道查照遵奉施行
崇禎四年四月初五日具

題本月初十日奉

聖旨災民亟須賑濟餘米未給顯是地方官不行料理且依議留充軍糧永鎮額兵久缺着作速募補仍訓練精強不得虛名冒餉欽此

考覈關外餉司王四聰疏

題爲考覈司屬官員事專理新餉山東清吏司案
呈奉本部送據關外糧儲本部山東清吏司郎
中王四聰呈稱本職自崇禎二年十二月二十
八日到任與陞任王郎中交代接管收放二年
十月分錢糧其陞任王郎中交盤折色舊管崇
禎二年九月終止實在存庫銀七萬一千一百
九十五兩一錢九分一釐三毫二絲七忽八微
新收崇禎二年十月分起至三年九月終止通

共收過京運餉銀并奉創和議通各項銀兩共
本職任內積出搜括各營還官并節省銀兩共
壹百四十三萬八千六百二十四兩三錢二絲
開除崇禎二年十月分起至三年九月終止共
放過各營堡官兵馬匹糧餉草乾銀一百五十
萬六千二百四十八兩六錢二分三釐一毫一
絲三忽實在崇禎三年九月終止存庫銀三千
五百七十兩八錢六分八釐二毫三絲四忽八
微其陞任王郎中交盤本色舊管崇禎二年九

月終止前屯寧遠錦右三糧廳實在米二十七萬四千九百一十四石一斗六升九合六抄三撮豆四十二萬五千二百三十四石九斗五升八合二勺麥九百二十三石七斗八升蕮一百一十二石六斗二升九合五勺新收崇禎二年十月分起至三年九月終止查據前屯寧遠錦右三糧廳冊報共收過米四十八萬二千三百九十四石八斗七升一合豆二十三萬三千六百一十四石六斗一升九合開除崇禎二年十

自分起至三年九月終止查據前屯寧遠錦右
三糧廳冊報共放過米四十八萬九千一百四
十四石五斗五升二合四勺七抄豆三十二萬
三千二百三十石七斗五升二合五勺麥四百
五十二石一斗蕮一百一十二石六斗實在崇
禎三年九月終止查據前屯寧遠錦右三糧廳
冊報實在米二十六萬八千一百八十四石四
斗八升七合五勺九抄三撮豆三十三萬五千
六百一十八石八斗二升四合七勺麥四百七

十一石六斗八升以上本折錢糧收放總撒數
目俱經備造清冊交盤與新任雷郎中訖切照
本職蒞任之時正當逆虜盤踞京運不通兵馬
調援索餉逼迫本職計無所之始行借貸於商
民繼卽暫應以鈔票移借搜括於各廳庫貯通
融那貸於各項錢糧今俱一一償還一一清楚
已經造冊備查外然兵分西援城守餉冊或有
收除不清本職逐一磨算逐一查扣共積出搜
括各營堡還官銀三千四百七十六兩三錢三

分四釐六毫業經報部充餉訖是亦職一體
心至於支放銀兩務求準足原無溢剩且兵
駐永每就近留給半不繇職但職儉嗇性成志
切急公一年間屏絕交際際裁革濫賞日用菲
毫無妄費任內除積出前項搜括還官銀兩外
復積出節省銀七百九兩五錢俱已收充餉額
以爲纖塵涓滴之助理合呈報等因到部又准
閣部孫承宗咨同前事據關外餉司王四聰呈
看得餉司王四聰任內錢糧收放出入羨餘

官一鎚一銖毫髮明爽該司初趨開寧當戎遇
在郊東西阻絕本司誼切急公目無奴虜率集
從二三人衝鋒而前以除夕前一日抵開適人
心紛囂之會旣惴虜來又疑兵去該司一計無
糧再條兵事日往來城頭調度將卒共守嚴關
以守諸城而復建復灤及雙旺等大捷各有勞
勩及出關而餉三軍其足則洗清虛冒力禁私
尅其不足則多方那借至用紙票豆米以濟急
需至代署寧前適奴入錦松該司調發兵馬以

拊西薄之謀護守城池以杜紛囂之變其有
所及沉凝有度卽宿將亦爲心折蓋精心鞭算
悉力箸籌身裋水玉之中惠音續醪之外其膽
智沉雄而若讓卽綜核縝密而能寬若夫錢糧
清楚支放平公使將卒作頌尚未足爲本官異
也今當餉務告竣相應照例優加超擢合咨貴
部煩爲查照考核等因到部又准薊遼總督張
鳳翼咨同前事據餉司王四聰呈查得郎中王
四聰才優濟變氣可摧胡當呼庚而輸輓無窮

功高塞下處旁午而飽騰攸藉頌滿軍中且然
踞遵陽本官單騎抵關艱危不避及虜窺松錦
本官以代庖保守安堵無虞則司餉司兵兩有
所賴合應紀錄以示優異等因移咨到部又准
天津部院翟鳳翀咨同前事據郎中王四聰呈
查得關外兵馬雲集軍儲原自浩繁況值戎馬
徃還措餉維艱劇煩更倍於昔非得才品雙超
幹濟俱優之司屬烏能勝任而愉快焉今郎中
王四聰擊楫雄心飲水粹守初任視事卽值虜

騎縱橫策蹇繇間道遵海而東一段慷慨急
不避危險之志固已壯矣嗣因水陸併梗本折
兩匱饑軍嗷嗷且多脫巾該司貸商民給鈔票
千方括湊百計通那幸無及於呼譟迨至七月
虜犯松錦時正署寧道印務不第供億糧餉効
收飽騰且巡緝城守備極拮据艱難險阻歷嘗
之矣勞苦功高於斯爲最計任內支放錢糧折
色共一百五十萬六千二百有奇糧料共八十二
萬二千九百有奇皆條分縷晰錙銖不爽實

此內外交匱之時猶能調劑樽節約已裕公誠
司計之偉烈濟時之卓品也茲當差竣正宜論
功優叙合咨貴部煩爲查照考核紀錄優叙等
因又准遼東巡撫丘禾嘉咨同前事內稱王餉
司適逢虜饑當

國家空匱之時而能萬方措給兵馬飽騰危疆藉
以奠安且署道時同建有勦夷偉績真凶年穀
豐年主經濟宏才也等因通行到部送司今當
差滿相應題叙案呈到部該臣等看得本官氣

韻沉雄骨力清挺談笑而赴危邊關解纜
九死一生之奇鎮定以代兵籌綢繆固圉制
無一失之勝收放本折二百餘萬銖七粒七
果戰士之腹搜括節積四千餘兩一錢一顆
落脅役之囊風霜滿面堪憐薪膽半生自矢
及查關外餉司前該臣部題奉

欽依一年差滿准照新餉司例優陞司道前此
輯再前此而喬魏皆有成例然主喬二司官
寧錦岌岌之秋關寧未梗轉輸猶暇本官此

之日賊已破遵入永間道抵任險阻可知是時
物力救近不遑寧錦幾同棄土本官委曲調劑
兵幸無譁客夏逆奴憤我復城爲破金窺錦之
謀本官署寧前道措餉兼爲治兵寧錦安存秋
毫皆其力也雖曾以冊報差訛蒙

恩薄罰原係一時之誤無心之失且職在典餉而餉
既不爽是官舉其職也伏祈

勅下吏部照依前例從優紀錄陞擢庶危邊勞臣益
知所勸矣既各咨會前來相應題

請恭候

命下臣部移咨吏部遵奉施行

崇禎四年四月初六日具

題本月初九日奉

聖旨王四聰准與紀錄仍照例優陞該部知道欽此

覆津部三年召買事竣疏

題爲崇禎三年津門召買事竣謹遵例

奏繳并叙在事効勞官員以昭激勸事專理新餉
山東清吏司案呈崇禎四年二月初三日奉本
部送戶科抄出津部翟鳳翀題前事等因本年
正月三十日奉

聖旨戶部覈議具覆欽此又該督餉御史吳煥題同
前事等因二月初一日奉

聖旨已有旨了該部知道欽此欽遵通抄到部送司

相應核覆案呈到部該臣等看得士馬非本
何以資騰飽本色非召買何以供轉輸願召買
於豐稔之年易召買於兵荒之日難查津門
年分召買豆一十八萬八千四百五石八斗四
升每石定價六錢五分計領過部發并兌發長
蘆新增鹽課共銀一十二萬二千四百六十三
兩七錢九分六釐內部院標下原任中軍遊擊
張其功等買豆三萬九千石天津餉司委官吳
啓第等買豆四萬二千五百五石八斗四升

餉道委官李維城等買豆三萬五千石天津道
委官賀盛明等買豆三萬五千石管糧廳委官
周承業買豆一萬八千四百五十石兵糧廳委
官杜俊卿等買豆一萬八千四百五十石俱各
每石用價六錢五分買完發運訖又標下見任
加銜都司鄭憲武補借發過相傳存倉豆一萬
一千七百四十八石五斗每石止領價五錢五
分照數買完入倉訖夫當奴氛肆害之秋十室
九空之際乃能召買如額克佐軍興此固前後

督餉部院臺臣設法調劑多方籌畫與夫司
諸臣同舟共濟協力贊襄所致然奔走終事不
可謂非各委効命之力也往歲例有薦舉今部
院臺臣謂各委俱無節省不敢循例槩叙特拉
加銜都司鄭憲武勞績之最者表而出之欲量
加實授以示旌異夫各委買價每石俱六錢
分而本弁所買之一萬一千七百四十八石
斗每石止用五錢五分較之各官已捐節一千
一百七十餘兩矣人情嗜利若飴每多侵尅

破誰肯捐資効力如卜式之助邊有若是者耶
如鄭憲武者忠腸俠氣爲

國忘家亦并流中所不槩見者也合無如議量加
實授都司職銜聽候委用以爲好義急公者勸
旣經督餉部院臺臣會題前來相應覆

請恭候

命下臣部移文兵部將加銜都司鄭憲武量加實授
仍移咨津部餉院并天津司道遵奉施行

崇禎四年四月初八日具

題本月十一日奉

聖旨是欽此

覆通鎮設監軍道夫廩公費疏

題爲酌定監軍公役公費事專理新餉山東清吏司案呈崇禎四年三月十八日奉本部送准督治通鎮侍郎范景文咨內稱監軍道胡福弘蒞任已久經制未定前議設立吏書八名每名每月銀一兩八錢門子二名抄案吏二名快手一十二名皂隸八名轎夫八名厨子一名茶夫一名每名每月各支銀六錢門吏二名陰陽生一名每名每月各支銀三錢共三十五名該銀三

十五兩七錢今議再增轎夫八名燈夫四名
兵二名水夫三名茶夫一名門子二名皂隸四
名共二十四名每名每月各支銀六錢該銀
十四兩四錢通共銀五十兩一錢及一應心
紙張油燭柴炭等項每月議銀五十兩希速
題定以便支給等因到部批送到司相應議
案呈到部該臣等看得

國家設一官必成一官之體養一官之廉故諸
之備兵省直者雖刻意尙約而驕從餐錢猶

不甚寒儉蓋地方之規制宜爾也今通鎮監軍一道因兵添設不得不取諸兵餉前督臣范景文曾經移咨臣部會以僉事越其杰逮問遂未入經制內今道臣胡福弘視事數月矣而夫廩一切不贍誠屬闕典查得咨載新舊興皂各役共五十九名紙燭等費月支五十兩堂堂監軍古之行軍司馬也奔走供應上之不半總鎮次之幾與副叅等亦陋甚矣但臣部猶欲於續增內裁去轎夫八名水夫門子各一名公費每月

減去十兩豈好爲溪刻不近人情乎夫亦韻
軍者各管之標表也必如是裁節而後量柴
米監軍有同甘苦之心嘗膽卧薪士卒無驕
養之氣想道臣當亦不鄙臣言爲迂也伏祈

勅下臣部將通鎮監軍胡福弘議增燈夫四名舖兵
二名水夫二名茶夫一名門子一名皂隸四名
共一十四名該銀八兩四錢合舊設三十五名
通共四十五名總共月支銀四十四兩一錢并
一應心紅柴炭等項每月四十兩俱於兵餉內

支給既經督臣移咨前來相應題

請恭候

命下臣部移文通鎮督臣并兗運廳遵照施行

崇禎四年四月初九日具

題本月十二日奉

聖旨依議欽此

覆南部科議留事例稅課疏

題爲留計出入難支微臣目覩心駭懇乞

聖明酌濟當厄

勅部從長計議以固根本事專理新餉山東清吏司
案呈崇禎四年三月十四日奉本部送戶科抄
出南京戶科給事中陳堯年奏前事等因本年
三月十二日奉

聖旨留計空虛允宜熟籌長策况奉有南北酌濟之
旨借額旣難議償例稅應否緩解該部虛公查覆

你們科道官何未見一杼籌畫用佐時艱鄭三德
原籍去京甚近着催他遵旨速任與呂維祺共圖
幹濟不得避艱却責引疾自便欽此又該南京吏
科等衙門給事中等官楊棟朝等奏爲南庾積
窘萬難措手謹合詞

上陳仰乞

皇上裁處以重留地以維危形事等因本年三月十

三日奉

聖旨該部酌議具奏欽此又該南京戶部右侍郎兼

南京都察院右僉都御史呂維祺題爲遵

旨回奏併陳和衷愚悃事等因三月十四日奉

聖旨近來南北司儲彼此岐視執爭呼籲殊非同心
籌國之誼這奏內事情着該部酌議具奏欽此欽
遵通抄到部送司相應酌議具覆案呈到部該
臣等看得

國家南北並建原無緩急計臣比肩事主何用異
同臣嘗宰南儲矣爾時仰屋無措之光景豈至
今日而頓忘之乃致以焚券之高義顯望人而

以課息之活計獨予已哉無柰勢處其極變力
值夫交窘垂索望貸之家食指蝟集固不能爲
汎舟之慷慨也客歲督臣呂維祺有南庾匱窘
一疏其屬望於臣部甚奢其責備於臣部甚正
臣于時不敢以空言爭委曲那移爲剝肉貼瘡
之謀如代進

制錢之六千八百兩援兵支用事例之二萬八千六
百六十六兩悉捐以付南庾不問亦可謂同病
相憐矣而不圖得寸進尺再有稅例之請也臣

恭繹

明旨云近來南北司儲彼此岐視執爭呼籲殊非同
心籌

國之誼捧讀之餘惶愧欲絕而終不能默默已者
夫亦謂黔餉既歸之南計視前畧易爲力而援
兵久客之北計向後實難爲言督臣曰南有餘
曾以南濟北南不足當以北濟南是矣而臣部
錢糧出入之疏兩塵

御覽向以爲出浮于入二百餘萬者今尙浮至百餘

萬有餘乎不足乎臣竊意南督臣同舟共濟
不發不情之呼而南科臣陳堯言楊棟朝自
關心交章代籲想其勢誠急而其情誠可諒也
查南計三年事例就督臣疏開除援兵支用進
銷外尙存三萬二千餘兩此外新增稅銀宣課
司一萬兩蕪湖關三萬兩皆在新餉合盤打算
之內今

明旨曰例稅應否緩解該部虛公查覆夫正額告罄
南解之不當緩與臣部之不肯緩明白易見顧

急之而愈以緩勢必再爭爭之而猶不應究亦何濟不幾乖同心而辱

明旨乎合無酌定督臣科臣所請將南部三年事例銀其給辦

袍價六千餘兩准其開銷其應還臣部銀二萬六千餘兩亦准留用其事例解北斷自崇禎四年爲始總以仰副

聖明虛公之諭可耳若新增宣課稅銀一萬兩無關稅三萬兩事經創始人多觀望定須盡數解北

以倡其後則臣部之於南計真所謂家無擔石
勉而急隣矣督臣亦須堅持成約勿但以到手
便費四字難臣部以無可柰何之勢而介介於
現在南者不得留爲南用也但一尋思稅例二
項原爲何事何地設則南北心平氣平各還無
爭之境矣旣經南部科具題前來相應覆

請恭候

命下臣部移文南京戶部遵奉施行

崇禎四年四月十一日具

題本月十四日奉

聖旨南戶部三年事例存的准與開銷留用其四年
以後併新增稅額盡解北部俱依議行欽此

覆鄖撫梁應澤措抵援兵餉銀疏

題爲微臣援兵支過餉銀抵補已明謹具冊

奏報仰祈

聖鑒事專理新餉山東清吏司案呈崇禎四年三月初六日奉本部送戶科抄出鄖陽巡撫梁應澤題前事等因本年三月初四日奉

聖旨該部覈議具奏欽此欽遵抄出到部送司相應具覆案呈到部該臣等看得虜薄近郊臣子之恥也一時整旅入援先聲叠至臣部每聞羽檄

輒爲加額而安暇屑屑焉問其裹何糧動何項也迨事定開報如河南浙江廣東等省往往皆稱借用新餉銀兩夫救焚者不擇水拯溺者不顧髮一時借用固處不得不用之勢但餉有定額用去一分卽減去一分臣部因是不憚與各撫臣再四商駁而鄖陽巡撫梁應澤獨有辭部餉食外餉一疏臣深感其設身處地之高誼而實無負於勤

王急君之大義也已荷

天語褒嘉臣部具覆樹此榜棣所益於匱詘之軍興
不淺已而思之地方有肥瘠物力有贏乏得旌
鄖撫建牙三省之交差易爲力乎今觀其抵補
兵餉一疏其茫無着落之虛數與宛轉掇括之
苦心處處畫餅件件持鉢求諸道府而不足者
畢竟自求諸軍餉之節存而僅足通計四府撥
兵二千三百五十五員名經時二百四十餘月
抵給過餉銀四萬三千六百二十餘兩不擾民
間一粒米不損新餉一分額臣始服好終事者

不必真有餘而勉強義舉之可以勸也
具奏不過欲堦底清算踐辭餉之初心在臣
則深願其一臂獨支推心共濟留遺此數萬
額金以備緩急耳既經具題前來相應覆

請恭候

命下臣部移文該撫按一體遵奉施行

崇禎四年四月十一日具題本月十四日奉

聖旨梁應澤措辦入援兵餉不費公帑具見急公
事知道了該部知道欽此

覆登島餉額留用山東新餉疏

題爲再剖用海實餉以明無欺以便責成事專理
新餉山東清吏司案呈崇禎四年四月初六日
奉本部送准兵部咨爲塘報事准登萊巡撫孫
元化揭稱島變情形塘報兵部題奉

聖旨這島弁爭殺事情着該撫鎮確偵續報據奏島
兵驚亂亟宜招集依議着孫元化移詣旅順建威
伐謀一應進止機宜還着詳審酌行務期因便圖
功事襄恢勦大計該鎮所需兵餉已有旨着戶部

明白指給冊得延緩涸抵致誤事機關單津滬
海一帶着各督撫官嚴加防禦用戒不虞遣歸
鮮使臣諭令飭備卽如議速行欽此欽遵抄出兵
部備咨移會到部送司案查本年二月初五日
該本司案呈爲亟催糧餉事查得山東省尙該
崇禎三年分登島未完餉銀今已隔歲似應速
解以濟軍需况登鎮新兵雲集糧餉時不容緩
而未完島餉更宜查核按兵給發除已經行文
催解外合再亟催以免呼庚等因呈堂一面照

會山東布政司卽將崇禎三年未完登島餉銀
照數速爲措發仍一面移咨登撫知會去後又
於二月二十三日奉司案呈爲查明東省崇禎
三年額解錢糧以便開銷事查得東省額設加
派襍項并遼鎮民運銀共七十七萬六千九百
三十兩二錢零除解發過島餉并開銷及解部
外尙未完一十三萬五千三百八十三兩零內
應找給新增四萬內未發登餉一萬二千三百
三十三兩三錢三分島餉五萬三千一百四十

一兩零登鎮水兵二營該找餉銀五萬四千七百
百八十兩八錢爭欠銀一萬一千四百二十兩
兩八錢七分解部克餉其四年分加派襍項銀
鎮民運并新增三釐內登州預徵三分業經題
准登撫留用其五府預徵三分除已經解部外
以後槩行停止起解儘克登撫之用自今春月
需餉甚急尤須早解不得遲緩合行東登二撫
并藩司知會遵照解給可也呈堂通行遵照在
案續於本年二月二十八日據山東布政使司

呈爲亟催錢糧事內稱二月十六日蒙戶部照會前事等因承此本司遵依差人督催濟南等府解到崇禎二三兩年遼鎮銀併那借別項恭湊解島餉三萬三千兩又解一項捐助克餉二千八百一十四兩六錢九分兌給原來差官徐國英楊啟泰添差濟南衛千戶李徹百戶賴宗禮於二月十三日解赴登萊撫院交納擬合呈報等因三月十三日又據該布政使司呈爲查明東省崇禎三年額解錢糧等事內稱蒙戶部

照會前事等因承此查得加派襍項向來俱經部以濟關寧之急今奉部文崇禎四年加派襍項遼鎮等銀除預徵解部外其餘盡數解登支用不必解部本司敢不遵依催解登鎮凡有解過銀數一一另冊報部以聽查覈合先呈報等因到部送司相應一併具題案呈到部該臣等看得疆場之事其關係最重芻糧之需非空言可塞

國家歲費數百萬金錢不能得一當以窺遼瀋

有審局相勢銳意恢勦如登撫孫元化所請也
者

廟算旣已僉同臣部奉行恐後而敢有差池其間也
先奉

聖旨臣部業逐款登答仰塵

御覽矣續接兵部咨開載

明旨有云該鎮所需兵餉已有旨着戶部明白措給
毋得延緩溷抵致誤事機臣等捧繹之餘不寒而
慄不敢再陳煩碎之條以蹈饒舌之罪但東

新餉八十餘萬盡割歸登而鮮運腳價不與
其間一管一將一舡一車廩糧貨價纖悉明
隨登撫之規矩爲方圓儘東省之物力爲供
臣部唯唯是聽臣捧

旨思愆或者臣部再四商駁有類量柴數米不能
金如泥瑣細曲謹近於延緩乎但經始之初登
撫有一番人

告臣部自應有一番商覆亦政不得不然者且臣部
正恐以題覆得延緩一面揭知登撫一面照會

東藩該藩司於三月初旬具文臣部云今奉部
文崇禎四年加派襍項遼鎮民運等銀除預徵
解過外盡數催解登鎮則是東省有司之全副
精神久已凜登撫之期會唯謹登撫之一手提
掇更便於臣部之鞭腹不及明矣若夫溷抵二
字母論臣不敢欺

皇上其能誕登撫而愚東省司府吏民乎樞臣向裁
定舡租等項四萬餘兩登撫止認其半臣部無
敢異同續增之米價且價悉照登撫近議不拘

舊例臣部自分撥濟各撫不遺餘力矣至如
島兵餉留用東省從來已久不始自臣且臣部
往年頗借山東河南爲應急之需今一切推
緩急無措借使不留用而一一仰給京運此
十二萬九千餘者能源源不絕而輸乎試看
寧四鎮今日一二萬兩明日三四千兩望解
渴隨到瓜分其煩登撫之呼籲更甚則留用東
餉似亦可謂得算而非臣敢爲強詞卸過者也
獨念延緩涵括之罪關於臣部職掌者大關於

國家封疆者更大臣故不禁葛藤之語備述臣部
原行發餉公移并東省藩司解銀回文恭摺
御覽伏惟

聖明垂察焉仍祈

勅下該省撫按督令該司府速行解赴登撫勿得觀
望稽遲違者聽登撫以白簡從事庶東餉俱得
實際而聲討恢復胥賴之矣臣等曷勝悚息待
命之至

崇禎四年四月十二日具

題本月十七日奉

聖旨登萬需餉前疏剖列已明這所奏知道了旨內
脫詳字訛戎字補正行欽此

覆南戶部鼓鑄還本并奏報事宜疏

題爲南計愈窘南鑄宜急謹嘔心詳議簡要可行
請

旨嚴飭以裨實用以補罅漏事專理新餉山東清吏
司案呈崇禎四年三月十一日奉本部送戶科
抄出南京戶部右侍郎呂維祺題前事等因三
月初九日奉

聖旨據奏鼓鑄利饒若得本銀四萬八千兩亦可粗
辦前議楚餉倉銀如何不遵旨解部着嚴催接濟

以裕南儲考核司官卽以獲息多寡有無釐弊
優劣其還本奏報事宜該部酌覆欽此欽遵抄出
到部送司除催本接濟考覈司官等項事宜聽
南部奉行外所有還本奏報事宜相應酌覆奏
呈到部爲照南庾客歲因兵食不克而議開鑄
因鑄本無措而議借資左籌右畫東那西移誠
督臣呂維祺不得已之苦心也於時臣部卽如
所請議將南中之俸糧供南鑄卽以鑄出之金
錢支俸糧又議借鳳陽倉銀一萬兩并楚餉

節汰兵餉數內聽其權衡緩急通融接濟覆奏
明旨這南廠鑄本權借南京俸糧鳳陽倉銀并楚餉
與節汰兵餉俱依議行着呂維祺酌定借數多寡
兼議何時補還及裒益接濟之法妥確詳明具奏

欽此通行遵照在案今據督臣回

奏疏稱鳳陽倉以窘急止借三千兩從兵餉中節
汰得四千餘兩借光祿寺三千兩又借兵餉銀
二萬餘兩自七月開鑄至年終共獲利息一萬
六千五百兩有奇而節省米價之六百四十餘

兩不與焉初創之始數月之間乃能獲息若此
以較昔日南廠歲報息二三千金者相去懸遠
卽北局銅貴鑄稀相提而較南鑄之有益更見
矣繼此以往銅本湊手源源不已將南計之缺
額庶幾其有濟乎楚餉倉銀前有成議今奉
旨嚴催接濟則權宜暫借雖不能一旦取盈於七萬
二千以克三鑄之本而區區四萬八千似亦不
難於那湊也惟是還本之說則有不必拘拘者
夫茲鼓鑄原爲兵餉補不足若以待哺者而反

供久假恐未得其濟而先滋之滯盡若隨借隨
還亦如借俸糧法暫以兵餉佐鑄本旋以銅錢
充兵餉循環輪轉惟取息以培本無壅本以虧
額於鑄有裨于餉無損兩相通而兩相爲用若
然卽借之名不立亦可而何有于還還何必限
以年哉至于月奏之議起自去年樞臣梁廷棟
直陳釐弊條款原爲奸爐奸匠多以私鑄妨公
欲每月完一鑄以課于毋多寡誠省試之良法
也業奉有按月奏報南北遵行之

明旨矣及查疏稱自七月開鑄起至年終止舊廠鑄過五鑄新廠雖銅鉛不繼亦鑄過四鑄是止鑄銅本之不湊使良工手閒于技癢斷不患工作之不時致火候妄費夫居諸而寬令一季一鑄省道里之奔波以養鼓鑄之全力似當俯從南計臣之

請而近地不得援以爲例者也旣經南計臣具題前來相應覆

請恭候

命下臣部移文南部遵奉施行

崇禎四年四月十六日具

題本月二十二日奉

聖旨依議欽此

題覆摘叅聶延璋前件議罰疏

題爲摘叅未完事件以警忌玩以肅

功令事專理新餉山東清吏司案呈崇禎四年三月二十七日奉本部送戶科抄出本部題爲奉旨奏報事三月二十六日奉

聖旨按月奏報未完分別難易議罰正須確核始足示懲這奏內如姦商聶延璋猾解黃國卿及拖欠光祿寺錢糧各官王從義侵冒荒田銀兩等項屢催不結俱混列未過限欸內又如京通二聽追比

欠糧過限尙未銷算各省直限單有全未繳者反以難完議寬至河南查核宗祿行文在十一月遷以易完議懲如此分別成何綜覈該部明以奏報爲故事外吏安得不玩該司官姑不究今後有這等的來重處該科記着欽此欽遵抄出到部送司案查崇禎二年十月初十日該薊州糧儲郎中何朝宗奏爲奸商蠹餉數饒伏乞

聖明勅憲法衙門追究以杜漏卮仍從長計餉以備緩急事等因二年十月初十日奉

聖旨這奏內騙餉各商着該撫按嚴行該道究追具
奏其該鎮召買本色新兵補給月餉及津門預糴
料豆額發銀兩各與措給該部知道欽此當于二
年十月二十四日咨行順天巡撫并各都察院
轉行巡按御史嚴行究追具奏去後節經行催
未報隨于三年十月初七日具疏摘叅定限十
一月回
奏仍復未報又於三年十二月內題催改限四年
二月具奏今奉

明旨督責除一面行文薊州道催查外相應再請
欽限責成等因案呈到部該臣等看得薊鎮先因召
買本色以致商人聶廷璋等侵騙餉銀數至三
萬餘金關係匪輕可置高關乎案查餉司何朝
宗具題奉

旨行文在崇禎二年十月未幾而奴虜入犯矣遵陽
失陷文移殘廢廉以軍旅倥傯不遑遽爲鞠訊
似也第自奴虜出境之後又將匝歲矣若查其
所領之銀以核所買本色之數則賍私情罪

審了然何難

奏報况奸商情狀又復散見于犯撫王應豸糾參
餉司陳調鼎疏中乃臣部屢行檄催兩經入
告而科臣之摘叅

明旨之申飭又不啻至再至三何以置若罔聞而不
一歸結也昨臣部正月彙奏以改限原定二月
故在未過限之列今時四月矣遲違之愆將安
辭乎雖經科臣摘叅隨卽勒限檄催定以月裏
奏繳但恐習玩相仍猶同故事合無轉行撫按照

初次違限例查明經承官員報部卽行住俸責
令文到旬日之內將各商所犯情罪并應追已
未完贓數確招詳報該撫據實具奏如再遲延
另行議罰庶人心競惕宿案可完而奸商亦不
至逍遙于法網之外矣恭候

命下臣部移文各該衙門遵奉施行

崇禎四年四月十三日具 題本月十五日奉
聖旨這聶廷璋等事情久不奏結着查明經承官照
例罰治欽此

題請暫借輕賁漕折等銀克餉疏

題爲缺餉坐待無策饑軍索逋難應情急呼

天謹昧死懇

恩那借以固封疆事專理新餉山東清吏司案呈關
寧四鎮主客兵餉三月分該銀四十四萬四千
四百六十五兩七錢八分零查庫冊止發過二
十萬零而欠至二十四萬二千餘兩外解絕跡
脫巾可虞相應請裁具題案呈到部該臣等看
得奴孽犯順以來旁搜續派餉之名色日新一

日軍興旁午而後割裂耗費餉之頭緒亦日異
一日于是紙上有餉庫中無餉臣部譬如富室
之貧人矢口告窮往往不信頃旬月間梅林瘡
盼西江遙挹需至今日而望窮策盡不得不呼
號

皇上之前矣先該臣部同官周士樸于本年二月十
四日具庫貯無幾接濟應籌一疏十六日奉

聖旨覲回各官正宜急公盡職豈得以計竣玩肆該
撫按嚴督赴任應完新舊餉銀務期依限徵解以

濟急需其積欠緣繇仍著遵前旨作速查明回奏
該部知道欽此三月二十一日又該臣部具餉派
雖增餉源幾斷一疏二十五日奉

聖旨這加派襍項軍興急需既立有程限如何拖欠
尚多著行省直各撫按嚴督司府依限完解仍著
自行回奏錢糧完欠全在考成清覈確示勸懲該
部每遇外解不繼輒勤請申飭及至考覈又徇情
祈寬是何政體今後還嚴行叅罰以信功令欽此
是新庫如洗之窘狀

明主久已電照臣部呻吟之危辭邸報應已風馳而
匝月以來零解者涸可立待報解者遠不就手
據該司所呈三月分尙欠至二十餘萬而四月
將半彼主客嗷嗷多口一索而不應再索而不
應恐慈母亦不能制饑兒之號咷而往事可爲
寒心也臣憶元年戊辰之春計吏方旋外解中
斷臣部號泣請

命蒙

皇上沛發帑金五十萬兩酌量緩急以二十萬克舊

餉三十萬充新餉中外歡呼雷動而尙不免有
寧遠之譟當是時關寧尺籍雖盛然入援之旅
未至填集如今日也黔蜀割餉未還然塩菜行
糧之兼支未至驕餒如今日也以

聖主數十萬之雨露竟不能息悍兵一二月之决裂
而况久客思歸之衆尋端易動語難更烈臣部
卽有膽如斗能不惴惴乎夫

皇上授臣以握算而縱橫無計迫則請乞念之惶恐
欲絕然而缺額不接之故亦有可得而言者附

近爲濟急之緊者今東省全昇登海而秦晉且
顧不暇雖有遠水莫救近火其不接之故一派
額爲有數之金穴今月糧借如逝水而行糧半
奪主食旁有所侵則正有所戒其不接之故二
衆罰爲取盈之捷徑京鄉報完之後地方暫樂
休息而

覲旋過里之餘代庖誰恤燒眉前近竭澤今方掘井
其不接之故三知其不接而謬巧湧金臣力不
能也任其不接而委命偷息臣誼不敢也臣與

同官相向扼腕欲涕惟有仰希

天語暫霽雷霆之怒曲施那借之

恩爲臣部苟延旦暮之喘息耳竊思

內帑萬不敢

請查臣部老庫存銀三萬兩輕費漕折可那四萬兩
京糧可得一萬兩而問寺光祿可各那用六萬
兩合之共得二十萬兩尙可支目前以待外解
臣非不知問寺光祿各有主者或慮臣部之不
能還而爭卽知臣部之必當還而預杜開端勢

亦必爭然而臣情誠迫臣氣益沮卽知求之未
必應而不能不求所謂利害之念重則乞鄰之
見諂在所輕耳且臣嘗三

請輕齎漕折亦皆次第圖償轉眼麥秋告成正官赴
任新餉固自有輻輳之時稱貸之約食言豈可
爲繼當厄之助固持鉢者得生失死之會也窮
迫則籲

君父緩急則號友朋想亦

皇上之所惻然軫而同舟諸臣之所慨然憐者也至

於從前月餉皆壓月補支往往欠至二三月自
臣部按月支給而捉襟露肘之狀始不能掩於
皇上苟且支吾之術亦不能行於關寧然臣終不敢
藉口於此妄自逋於持籌寡効之罪惟

聖明之處分而譴斥焉伏祈

勅下臣部容臣暫借老庫三萬兩輕齎漕折四萬兩
京糧一萬兩再

勅問寺先祿諸臣各准借六萬兩以濟眉睫之急臣
部見今差人分投四出極力催儻俟新餉奏手

仍照數扣還庶軍心得以稍安而危遠不致潰敗矣臣部幸甚封疆幸甚

崇禎四年四月十三日具

題本月十四日奉

聖旨據奏三月分新餉尚未發足軍士辛勞可念豈容緩視這本內所請各項銀兩依議暫借給發外解到日卽與補還兵食大計宜畫成規該部還總會出入裒益盈虛酌求可繼長策勿但補苴目前輒煩籲請欽此

覆河南撫按請蠲衝疲州縣新派三釐疏

題爲乞免加派少縣衝疲以紓民力事專理新餉
山東清吏司案呈崇禎四年二月十一日奉本
部送戶科抄出河南巡撫郝土膏題前事等因
本年二月初九日奉

聖旨戶部查議具覆欽此又該河南巡按御史李日
宣題同前事本年二月十七日奉

聖旨已有旨了該部知道欽此欽遵抄出到部送司
相應具覆案呈到部該臣等看得遼難起而加

派興環海宇內竭膏血以供轉輸而竟未有稅
駕之期也奴孽犯順軍興之費十倍從前然仰
賴我

皇上之威靈舊逋新徵并責一時僅僅支撐目前而
新兵日增援兵坐糜不得已而又議加派三釐
剝肉醫瘡終當立盡而權宜緩急我

皇上繇已如傷之深衷已溢於

聖諭之表矣至於災疲地方勢難增加者聽撫按覈
實奏

奪籌邊恤民蓋兩有並重焉今查中州幅幘密邇于
都門兵餉每特以續命輸將獨先于他省臣部每
嘉興急公至于通省之中有災疲之地如衛輝
所屬汲縣新鄉獲嘉淇縣昨城汝寧所屬上蔡
西平息縣南陽所屬裕州南召開封所屬延津
共十一州縣據該撫按題稱土瘠民貧災疲素
著自天啟五年以來但將兵糧餘銀抵解加派
之半至崇禎元年銀盡仍復加派小民苦于催
科有司苦于叅罰今舊派難支而新加繼至以

故目擊時艱代爲請

命亦不得已之極思也臣查案卷汲縣新鄉獲嘉淇
縣胙城西平息縣南召崇禎二年俱有叅罰而
獲嘉淇縣新鄉所欠尤多上蔡裕州延津原無
叅罰又查裕州息縣崇禎二年四月內臣部覆
偏汲積累一疏議將二州縣并永唐內三縣加
派減免十分之三聽撫按官于賦役裁省銀內
通融補解夫裕州息縣旣徼寬政于前則今日
新增三釐似不得再免以啟無厭之求也其餘

獲嘉淇縣新鄉委屬上疲每畝量免二釐汲縣
胙城西平南召查係次疲每畝量免一釐上蔡
延津舊無參罰不准裁免其餘照常加編以昭
皇仁之無外以明

王政之公普庶災黎少遂更生之望而遼餉亦不至
于太虧矣嗟乎

輦轂近地東省新餉已供登島秦晉新餉復資畿胤
臣部所賴以供億軍興者獨中州耳客歲五邑
裁舊而取給于賦役裁省猶然損臣部之額也

今歲七邑戒新而首先希恩于格外尤恐頓啟
觀望之端也臣部誠不得不倍萬慎重矣此後
各省直地方必其實實災疲萬分難堪者方許
據實奏

請不得藉口市恩輕陳妄

贖除不准外仍以誤餉之罪特疏糾叅勿謂臣言之
木蚤也既經撫按會題前來相應覆

請恭候

命下臣部移文各該衙門一體遵施行

崇禎四年四月十四日具

題本月十七日奉

聖旨派額新加已定豈得復有紛更據奏獲嘉等三
縣委屬上疲姑准每畝量免二釐汲縣等四縣次
疲准每畝量免一釐其餘州縣不准減免撫循輸
輓法原並行有司果能實心字民奉公好義自然
正供不匱何至藉口灾疲以後省直各官不許紛
紛陳請該部還通飭行欽此

覆楚省餉額免派并抵補緣繇疏

題爲遵

旨酌議黔餉事專理新餉山東清吏司案呈崇禎四年三月初七日奉本部送戶科抄出湖廣巡撫魏光緒題前事等因本年三月初五日奉

聖旨據奏湖廣原餉缺額前撫熊尙文旣以木政等項抵補何故一年隨止卽以建造府第免派事完可復豈得稱盡屬虛懸輕議免徵該部查明確議具奏欽此欽遵抄出到部送司相應議覆案呈到

部該臣等看得自遼餉割以餉黔而臣部虛存
其籍盈縮完欠皆黔楚院道爲政客歲議割餉
遼臣始按籍打算乃知七十四萬之改爲六十
五萬二千四百零也因

潞庄長沙減去九萬也此九萬徑除無抵者也六
十五萬二千之又改爲六十三萬一千零也因
辰常靖兵興煩費而江衡二縣

藩封芒累也此二萬餘暫行減派而以侵欺庫銀
追抵者也六十三萬一千之改爲五十二萬五

千八百餘兩也原係天啟二年楚撫熊尙文因
改論畝爲論糧致有減損而又謂山塘湖蕩難
以一例加派而再爲酌減者也初熊尙文查出
遠年未完水政贖贖等銀欲行抵補解部嗣是
改克黔餉遂爾中止矣此楚餉先後增減之始
末也但所稱五十一萬八千九百兩之額則有
不可盡信者查天啟二年三月本部尙書汪應
蛟覆楚省鄉紳議將南米脚耗楞木蓆耗等銀
抵免江衡二縣加派爲數尙浮何故疏中有無

抵銀六千九百三十餘兩耶疏中又云天啟四年
年

府第建造事完仍照額派徵足六千九百三十餘
兩并部文少開二千八百六十兩合而算之實
該銀五十二萬五千八百七十二兩九錢則是
江衡兩縣補派必非偶一爲之又行停止者就
該撫之呼籲還該省之實額定當以五十二萬
五千八百七十二兩爲額而乃堅執五十一萬
八千九百兩了事此斷斷不敢從者也至於缺

額之一十二萬六千六百餘兩既稱遠年木政
積逋久蠲侵欺罰贖死亡未給似應姑從寬政
以清風案其當年議抵時原限以五年外臣部
更端另議嗣是該省奉餉黔之期會唯謹遂將
部覆高閣漫不理會悠悠忽忽以至今日小民
習爲固然驟更之恐以滋駭且新派又費追呼
層加之愈不堪命臣部雖憂乏餉終不忍以十
餘萬久懸無著之額重苦三楚之民力也伏祈
勅下臣部將湖廣加派除新增三釐之外以五十二

萬五千八百七十二兩九錢爲額其先年虛額
准與除免庶該省司府便於如數徵解而民生
不至重困三楚共戴

皇仁矣

崇禎四年四月十二日具

題本月二十日奉

聖旨據奏湖廣餉額除新派外以五十二萬五千八
百餘兩爲準知道了本政一項先年旣曾議抵缺
餉是否盡屬無徵還着該部再行查明欽此

題回奏祖大壽鄧玘兵馬糧餉疏

題爲兵餉日增月益物力不支謹以出入大數據
實披陳懇乞

聖明從長酌處以圖久遠以定畫一事專理新餉山
東清吏司案呈崇禎四年四月初七日奉本部
送戶科抄出本部題前事等因四月初五日奉
聖旨據奏統計兵餉出入大數加派之外尚缺額百
餘萬委宜深慮本內應酌諸款着兵部與該督撫
從長確議具奏又如祖大壽兵應總算入開寧王

威團練營已稱額外新增及王新民兵俱又列撥
兵款內是否重複鄧垓所統南兵係何省入援及
軍門標下一款一併查明來說欽此欽遵抄出到
部除應酌諸款聽兵部與督撫從長確議具奏
外所有祖大壽王威等兵行月兼支緣繇相應
具覆案呈到部該臣等看得頃爲軍興浩繁餽
餉缺額恭具出入大數仰塵

御覽則太倉匱乏之故臣部窘迫之情已徹

聖明洞照中矣我

皇上軫念有用之金錢供冗濫之虛糜恐援兵有重
複虛冒令臣等查明來說臣敢不按冊以對夫
兵馬數目自有主者臣不敢越俎而問然計口
授食乃臣等事也兵有主客之分則糧有行月
之異各有款項在司餉者稽核維謹不敢聽其
混淆者也查得祖大壽一旅駐防永平其一切
鹽菜行糧俱在永鎮按日支給而關寧之額餉
仍在焉原係萬人分爲十營近聞出關四營尚
存六營論兵馬加於此自減於彼論支餉入援

則支行糧本鎮仍支月餉各有分屬原不得故
爲增減者也總鎮王威團練營下新募官兵共
八千四百五十七員名原係京城及馬世龍召
募之數故其月餉有支自臣部者有支自薊鎮
餉司者而塩菜行糧又以防薊復支領於薊矣
旣支塩菜自應列入援兵項下不然則此項銀
兩作何支銷似原非重複也至於團練營項下
亦有援兵二千五百五十三員名此係各省之
兵附入團練止支塩菜於臣部而仍支月餉於

該鎮者也王新民召募新兵先該兵部議發鄧
玘令營操演本部於三月二十八日先已具疏
故仍入援兵款內而兵部咨補三屯新兵則在
四月初一日事也改客爲主附於新兵三萬之
內自當更正無容議矣鄧玘代謝尚政統理南
兵其官兵八千一百三十八員名皆山海入援
之旅與四川遊擊胡雲鳳所領川兵之五千六
百七十六員名無與者也至於軍門標下共五
千一百四十四員名其中如定州保定標營支

鹽菜於信地猶可言也如總督撫院標下等營
原係密雲遵化土著之兵駐防潘家口亦依然
支鹽菜矣夫密雲遵化方藉客兵防禦而又撥
主兵在邊塞分防不過爲支鹽菜計耳如此濫
觴臣向屢疏言之而無如該鎮相沿以爲固然
而牢不可破何也今旣奉有查明之

旨謹備開列營伍并所支行月錢糧於左伏候

勅下兵部督撫同前疏一併酌議具奏施行

計開

團練總兵王威下新募官兵共八千四百

五十七員名內

奮武左右中前定武右中前新募官兵
共五千八百六十七員名在部支領
月餉在薊支領口糧鹽菜忠義營官
兵二千五百九十名在薊支領餉銀
仍支口糧鹽菜

王威下援兵二千五百五十三員名內係
定武後奮武後定武左山東登克二營

在部支領鹽菜在薊支口糧在本省
支領月餉

貴州王新民募到新兵一千三百五十九
員名於四月初一日准兵部咨題奉
欽依補入薊鎮新募之數前具疏時咨尚未到故列
援兵數內

總兵鄧玘等統領八千一百三十八員名
內

山海正武左右中奇武左龍武後招募

營共入援官兵八千一百三十八員
名在薊支口糧塩菜在該鎮支月餉
總督軍門標下共官兵五千一百四十四
員名內

定州營保定標營選鋒營共三千二百
六十三員名在薊支口糧塩菜本地
支月餉

總督標下官兵一千一百六十八員名
總督標下西協石匣營官兵一百九十

九員名在薊支口糧塩菜本地支具

餉

撫院標下駐防潘家口官兵二百九十

五員名在薊支口糧塩菜本地支月

餉

勇士營官兵二百一十九員名在薊支

口糧塩菜本地支月餉

崇禎四年四月十六日具

題本月十八日奉

聖旨兵餉綜稽全在項款分明一覽可了據奏王新民兵因兵部咨補在後若祖大壽分兵出關奉旨
在正月如何尚稱近聞混開援兵一萬有奇又如
王威團練營月餉或支自該部或支自薊鎮何不
畫一以便銷算鄧玘原議以川將統理川兵今稱
皆山海入援之旅當時原係何將所領還着明白
奏來該部科仍將各鎮冊報經制詳加磨勘總計
某鎮額兵若干新增若干援兵若干分註單支月
餉若干兼支行糧塩菜若干共餉若干確核實數

彙成簡明一冊進覽欽此

覆科臣史應聘條議催徵召買疏

題爲

聖主之焦勞已極臣工之精神未振法須嚴以提之
廟堂之德意嘗殷間左之幽隱猶鬱道須寬以恤之
懇乞

俯賜採錄以收

中興之效事專理新餉山東清吏司案呈崇禎四年
二月二十二日奉本部送戶科抄出戶科給事
中史應聘題前事等因本年二月二十日奉

聖旨邊臣宜圖實著守令全要保民俱有屢旨錢糧
民欠原少其那移侵負多在有司今催餉乃屬正
額是否有必不可完應行豁免的併召買發價事
宜俱著該部酌議具奏欽此欽遵抄出到部送司
相應議覆案呈到部竊照今日之邊臣當刻刻
無忘

國恥急圖勝算今日之守令宜事事固結民心共
保無虞此二款者不特科臣痛切言之幾爲詳
切抑亦屢奉

明旨申飭再三凡有封疆之寄牧民之責者各宜監
起精神洗清腸胃無庸再計矣惟是

畿輔之召買與東南之催徵委關民瘼科臣慷慨
以陳言臣部亦扼腕而注念敢爲鬯其說而畢
其議可乎以催徵言之往時承平歲有逋欠追
比常寬積漸日深有司那後儘前遂成不返之
勢以至今日軍餉孔棘而舊徵新徵加徵預徵
且猝責於一旦小民固已苦矣乃各有司猶有
居心不淨乘機需求火耗者有催徵無法縱令

衙役騷擾者敲骨推髓情景堪涕

皇上曲原小民歸責有司誠屬

日月之明矣然有司求完逋賦以卸已罪究亦何能
爲蒼生作計故寬恤元元實爲目前第一義有
味乎科臣之

請豁免也查舊餉中京邊錢糧天啓六七兩年夏稅
秋糧已奉

恩詔蠲免久矣今或可實蠲之以昭

皇仁乎新餉中襍項一款各省直俱自崇禎二年經

派而元年以前原非實額年分情稍可原况一
歲輸將止此民力恐徒費敲朴而無益於數卽
臣部初議原欲蠲其六七兩年惟責其補解元
年以示寬政轉念

國計置詘援兵未艾與其按加額外孰若還尋分
內故於二次考成司府疏議同加派欠數一體
帶徵每歲量完二分不至取盈一旦業奉

俞旨蓋於取之之中寓寬之之意而人有不好義終
事者鮮矣以召買言之真保六府及東莞二府

舊有扣存太倉銀二十萬兩原係有司應撥
部錢糧業留以供召買之用其不足者以禡
新餉及生員優免補之夫太倉新餉亦出自
民間以民間之銀兩買民間之糧料何至相厲使
不召買而太倉新餉豈得不輸則亦何必自京
出者而後爲給價哉又如薊審永津等六鎮近
因虜警召買倍增然皆陸續請給臣部自非外
解釜懸給發常不逾時若其多派浮於部價積
發徒以克囊則臣部不能爲有司分過明矣

科臣署三河時取其贏餘復還百姓自是永
潔操可爲司牧榜樣使人人而皆若此也畿民
其有瘳乎自今以往凡有召買合如科臣之議
該府按期申呈本部預給價銀一半餘俟查核
運解米豆全完再將一半找給近日保河六府
量復加派此後召買益不患於無具其在州縣
有扣存數多者不妨全給依期與民無得久延
其不敷者亦須別項通融那用稍緩臣部之須
與以俟外解之接濟並不許私派里甲借名染

指其有犯者督撫按道訪出卽指名糾參則
買雖行而苦累自滌矣總之軍需當與民依
重催科宜與撫字兼行愛養黎元原是固
本調停苦累尤屬綢繆至計就此召買帶徵
內稍示寬恤休養之恩未必非安攘之大計
也既經科臣具題前來相應覆

請恭候

命下臣部移文各該衙門遵奉施行

崇禎四年四月十七日具

題本月二十日奉

聖旨召買一事有司明侵官帑私派民間深可痛恨
這所奏部價預給一半餘俟買完全給依議行還
著各撫按官不時查覈嚴飭州縣實惠及民不許
仍襲前弊違者重典治罪襍項舊欠每歲帶征二
分知道了本內天啓六七兩年夏稅秋糧旣奉恩
詔蠲免如何又說今或實蠲以昭皇仁可是蠲過
錢糧尚未全豁還著明白奏來欽此

覆保撫題留保河六府優免銀項疏

題爲搜餉原爲增兵真保新兵必不可裁新餉必
不容議減事專理新餉山東清吏司案呈崇禎
三年十二月初六日奉本部送戶科抄出保定
巡撫解經傳題前事等因本年十二月初五日
奉

聖旨這保鎮優免銀兩據請留餉新兵著該部酌議
速覆欽此欽遵抄出到部送司相應具覆案呈到
部該臣等看得恒山西隣宜大壯護

神京固三輔重鎮也查天啓六年保撫張鳳翼有恒
兵征調一疏稱真定左右二營原設馬步兵五
千員名歲用餉六萬六千兩除留抽扣優免五
萬四千外尚不敷銀一萬二千兩無從設處遂
將二營裁去二千五百名留步兵一千五百名
每名每月工食銀九錢歲該銀一萬六千二百
兩馬兵一千名每名每月工食草料銀一兩九
錢歲該銀二萬二千八百兩二項通共歲支銀
三萬九千兩卽於原留抽扣優免銀五萬四千

兩內扣三萬九千兩存鎮養兵其餘盡數解部
克餉永爲定例等因題奉

欽依遵行在案客歲逆奴犯順調遣不備仰摩

宸慮有畿南召募義勇速來入衛之

旨於是保撫解經傳傳檄真順廣大共募兵七千八
百名合舊額近萬餘人肘腋之地捍禦策應多
多益善獨是額餉不敷殊費區處查保定撫屬
四道崇禎二年原題節贍銀四萬兩扣抵易鎮
年例續於崇禎三年八月內該撫題議留餉所

屬新兵爭之頗力臣部亦卽覆疏與之又數
留新議生員優免銀兩以贍新兵臣部以爲不
可題奉

欽依而該撫又駁臣部原疏謂優免爲援兵非爲保
鎮地者語近偏執臣何敢不服獨是生員優免
一項乃臣部攢眉新餉不得已爲叢謗任怨之
舉議之艱難留之何容易易該撫云以本鎮保
免養本鎮新兵蓋未通查於省直募兵援兵之
情形也臣部三年七月爲額外措餉原難等事

覆山東河南福建各撫疏奉

聖旨新餉及捐助銀兩不許輕動以後撫臣飭備增
兵還自行酌處不得擅留額餉致悞軍需欽此今
恒兵自入援以至還鎮節節算及臣部應急之
雜項於酌處何居也該撫若遵三年九月之
旨則有真保等府優免銀著行解部不得議留之
天語在是

皇上明見優免之不當留而非獨靳於一鎮恐各鎮
之告留者踵至也查恒山營原留臣部抽扣優

免三萬九千兩近又議留節曠以抵年例銀四萬兩則臣部之爲恒鎮計者亦已至矣臣反覆籌之欲講求故額則近於越俎欲堅守前說又近於執拗合無於保河六府生員優免銀暫留四萬兩以助該撫新兵之餉省直不得援以爲例餘銀盡數解部勿得那用但聞

畿南援兵所用之餉頗厚且奢保河六府生員優免撫臣以爲共十二萬乃各府清冊未齊尚不知足額否且亦屢催未解分毫不解其故豈其

已經那用乎查崇禎三年六月內臣部覆河南
援兵䟽奉

旨援兵衣糧等費動支驛遞節省又本年七月內兵
部覆稱加增站銀暫留一年以抵戶部安家衣
裝之用於是河南加增站銀遂得八萬八千七
百六十六兩抵克中州援兵之費及查

畿南諸郡新增站銀不少或亦可借以補援兵之
費而不必專求之優免者也抑臣於是而心益
苦計益窘矣凡臣部講一增餉之着卽動人見

獵之喜臣部持一節番之議卽招人責備之詞
如保撫之過望者不少也伏祈

勅下將保河六府生員優免暫留四萬兩抵該撫新
兵月餉省直不得援以爲例餘銀盡數解部如
有不足卽於新增驛站銀內抵補庶恒山關前
兩有所資而捍衛胥賴之矣臣等曷勝悚息待
命之至

崇禎四年四月十八日具

題本月二十一日奉

聖旨據奏保河六府優免銀兩解經傳稱共額十二萬乃屢催竟不解報是何緣故着該撫按嚴行查核內暫留四萬兩抵保鎮新兵月餉各省直不得援例其餘盡數解部本內又稱如有不足卽於新增站銀抵補此項已經免編若照兵部去年覆疏當明開係何年分豈得混稱新增使婪猾朦朧藉口何以確昭功令以後還宜詳覈欽此

覆山西保德等十七州縣免新派一年疏

題爲兵荒交至民困不堪懇祈

皇上速定廟議以救孑遺事專理新餉山東清吏司
案呈崇禎四年三月十五日奉本部送戶科抄
出山西巡撫今戴罪宋統殷題免山右新增加
派緣繇本年三月十三日奉

聖旨該部酌議具覆欽此又該山西巡按御史降二
級戴罪管事羅世錦題同前事同日奉

聖旨已有旨了該部知道欽此欽遵抄出到部送司

相應酌覆案呈到部該臣等看得自有奴愚以
來兵日苦乏餉民日苦增科交困久矣年復一
年籌邊者唯恐兵數之不足而籌餉者亦遂無
策以使賦額之稍縮臣部續加三釐之議蓋
皇上幾經諮酌而後著爲令誠重之也晉撫宋統殷
爲該省兵荒交困題將保德岢嵐興縣臨縣永
寧寧鄉石樓以迄隰州蒲縣永和大寧吉州鄉
寧絳州稷山河津太平十七州縣仰希蠲派之
仁而洪洞懇爲緩徵河曲徐侯再論臣部尋釋

聖諭原有委實災疲頻年兵擾勢難加賦地方該撫
按據實奏明之

旨則此十七州縣者倘非戎馬蹂躪災祲相仍該撫
斷不發不情之呼邀驩虞而隳軍實也臣部覆
加叅酌雖地方之肥瘠不同而寇賊之充斥無
異目下各蠲一年當不俟再計而決也惟是天
下鮮十分富饒之地援兵處萬難區置之時而
爲民請

命如該撫熱腸者或亦不少查晉中節年新餉各該

州縣徵解往往及額是固有司督責所致亦資民好義輸將乃爾也合無將保德苛嵐等十州縣俱准蠲免新增加派一年此後盜警既平則以地方之肥瘠爲多寡如苛嵐石樓蒲縣隰州永和大寧吉州鄉寧八州縣可稱上疲每畝減去一釐五毫保德興縣臨縣永寧寧鄉五州縣可稱次疲每畝減去一釐絳州稷山河津太平原係樂土偶值兵荒以後照常徵派萬之二三年間奴酋授首解甲有期則槩與全蠲亦未

可料也其河曲一縣聽該撫另行相機裁酌而
洪洞緩徵亦不妨稍從寬大耳再照新派原爲
軍興而設今四年逾春涉夏而紛紛議蠲講求
未定何日是止渴之梅臣言至此憂心如燬願
各撫按之留念饑軍蚤爲徵解也旣經該撫按
會題前來相應覆

請恭候

命下臣部移文該省撫按轉行所屬州縣一體遵奉
施行

崇禎四年四月十七日具

題本月二十日奉

聖旨山西州縣新增錢糧蠲減事宜依議行河曲洪洞聽該撫酌處加派原非得已屬旨甚悉各省直俱仰體微解以佐軍興不得紛紛求免欽此

回奏請借光祿等銀已未兌發疏

題爲欽奉

上傳事專理新餉山東清吏司案呈崇禎四年四月
十七日奉本部送

內閣接奉

上傳昨准戶部請借光祿等衙門銀兩補解關寧等
處三月分餉曾否解去卿等傳他回奏欽此欽遵
先該本部題爲缺餉坐待無策饑軍索通難應
情急呼

天謹昧死懇

恩那借以固封疆事本月十四日奉

聖旨據奏三月分新餉尚未發足軍士辛勞可念豈
容緩視這本內所請各項銀兩依議暫借給發外
解到日卽與補還兵食大計宜畫成規該部還總
會出入裒益盈虛酌求可繼長策勿但補苴目前
輒煩籲請欽此欽遵隨抄到部卽送到司當該本
司說堂酌量緩急權衡多寡一面劄行太倉銀
庫一面移文各該衙門十五日將老庫輕賫漕

折銀八萬兩內派發寧遠三萬兩委官王文道
押解山海二萬兩委官溫承廕等押解薊州三
萬兩委官曹愈新押解十六日將光祿寺銀六
萬兩內派發寧遠三萬兩委官王大歷押解薊
州二萬兩委官郝奎光押解密雲一萬兩委官
賈尚魁押解十七日將太僕寺銀六萬兩內派
發寧遠二萬三千七十二兩委官杜呈芳等押
解薊州一萬兩委官郝奎光押解永平八千七
百五十六兩七錢委官蕭世武押解山海一萬

八千一百七十一兩三錢委官李時發押解派
發已定刻期督解今太倉八萬秤兌已完卽於
十八日出城其餘所派光祿太僕銀兩尚未兌
發相應回

奏案呈到部爲照外解中斷庚癸頻呼臣部計無
所出不得已而籲

天乞憐仰荷

皇上洞鑒臣部匱乏爰念軍士辛苦亟

允所請寧獨關薊得免饑渴將臣部頓解倒懸矣委

官領運恨不能翼之使飛蚤沛

皇仁之醪續又何敢稍停須臾焉顧輕賁漕折之屬
太倉者臣部爲政緩急可以自如而光祿太僕
文移往返尚費講求未免信宿之濡其太倉先
派銀八萬兩秤兌已完業於十八日督發起程
矣其光祿寺六萬兩該寺會同巡視商酌亦旣
照數應承別無爭執第以事關職掌尚須具題
請

旨仰邀

天語叮嚀或一二日便可望允發也惟太僕寺六萬
兩臣等南大務會該寺詳以具疏入

告後次并公移却回夫回寺虛實臣固不能懸揣而
該寺將伯之助想亦不後於光祿諸臣但自奉
俞旨後臣部卽派定各鎮委官分投領解是臣部卽
指爲到手之物而軍士已荷爲入口之糈矣一
旦缺望事情愈窘尚冀

皇上垂念饑軍待哺申明前

旨或令通融那發在兩寺臣爲惠不費而臣部異時

無德不報其於封疆裨益不淺鮮矣臣等曷任
懇籲待

命之至

崇禎四年四月十八日具

題本月十九日奉

聖旨奉旨數日太僕光祿方始具疏顯係該部咨會
稽遲且銀未實領不卽明奏徒將派發委官紙上
臚列何濟急需其太倉庫銀何故直待十八日始
行起運著該司官一併回將話來欽此

題明密永餉司本折新舊借補疏

題爲密永餉司權宜措餉酌議銷算抵補事專理
新餉山東清吏司案呈崇禎四年三月二十六
日奉本部送據密雲餉司孫士髦呈稱本鎮新
餉例不支米本年正月內因京運到遲各兵紛
紛呼討職與密雲道孫僉事會議令各兵願領
米者照依漕折則例每粟米一石算銀六錢俟
銀到日扣除各兵有不願者勢難強逼隨有願
領者如前鋒等營陸續領過粟米共二萬四千

六百九十六石九斗四升一合八勺後於銀到
給散之日照數扣除共銀一萬四千八百一十
八兩一錢六分七釐應該買米還倉但查龍慶
倉漕米頗足支放而目下新餉匱竭動煩本部
措發與其復買米還倉以資紅朽孰若卽以前
銀抵目前急需一轉移間酌有餘以補不足或
可佐新餉空匱之萬一乎如以銀米不容那借
客職將前銀仍照數買米還倉如以均是
公家物不妨以有餘濟不足伏祈卽賜題明將原

放粟米二萬四千六百九十六石九斗四升一
合八勺准令作正開銷而扣存銀一萬四千八
百一十八兩一錢六分七釐卽抵三月分應發
餉銀之數總於月奏內分晰明白造報庶開銷
便而錢糧不致混淆矣等因奉批密鎮漕米有
餘政可以克新兵援兵之用亦可以濟目前新
餉之窮又何必拘泥於新舊銀米不相爲用之
說也該餉司苦心調劑良可嘉尚新餉司如議
具題又奉本部議據永年餉司刁化神呈爲請

我發新餉銀兩以清那借以便

奏報事內開本司九月到任交代存庫新餉銀止
五千三百九十九兩三錢七分七釐零雖十月
以後陸續運到者十萬三千六百六十兩三錢
七分零自接放八月起至十二月止已放過月
餉鹽菜銀一十四萬八千二百四兩三錢九分
六釐零內那借年例舊餉銀三萬九千一百四
十四兩六錢四分三釐零故十二月之新餉雖
那湊給發其節月借過舊餉至今尚未補還金

奉

明旨不許新舊那借則此十二月通融借放者本司
奏冊內難以那舊補新也懇乞俯將節月所欠
新餉一併截算找發等因到部奉批此銀將近
四萬急不能償卽酌議妥行批送到司事關錢
糧相應題明案呈到部該臣等看得兵餉務求
清楚須本折不相爲淆而新舊各還其分斯稱
經制也然而偶值其訕勢不容以株守碍環應
則權宜那借以佐軍興亦濟變之一着也如密

雲餉司孫士髦正月內出漕糧積米二萬四千
六百餘石以抵新兵月餉永平餉司刁化神去
冬那借舊餉銀三萬九千一百四十四兩以補
鹽菜缺額蓋處夫不得不借之窮者而肯欲臣
部代爲題明措補也臣部按冊而稽孫主事所
放粟米係該鎮龍慶倉餘粟所積多寡存乎其
人當此外解不湊新庫攢眉之日卽以此粟抵
新餉三月分銀一萬四千八百餘兩於舊無損
於新有濟何憚而不爲况該司稱龍慶倉粟頗

足支放新漕又接誠不必另割新餉而補益紅
腐之長物也至才主事所借舊餉年例係部發
額銀該司凜凜不許新舊那借之

有勢必取償雖欲爲孫士髦之通融而不可得但新
庫如洗無可割補而近日秦晉之間那借新餉
以抵舊餉者亦自不乏正不妨兩相抵而互爲
償查得山西鎮爾借新餉五萬餘兩抵充積欠
年例應於太倉補還則此三萬九千一百四十
餘兩合無姑就那借之數卽作補還之數而不

再取償於太倉亦便計也餘未完者仍聽舊餉
另行找補新餉伏祈

勅下臣部將密雲餉司孫士髦所用抵餉倉米卽於
新餉開銷其節省苦心容差滿日考核永平餉
司刁化神所借舊餉卽抵山西年例那借新餉
缺數庶本折有乘除相濟之益而新舊無混淆
不清之弊矣旣各具呈前來相應題

請恭候

命下臣部移文各該餉司遵照施行

崇禎四年四月二十日具

題本月二十三日奉

聖旨密永餉司本折借補事宜知道了錢糧頭緒當
清以後還遵屢旨畫一支放以便稽查欽此

覆駁忠義營及鄧總兵從役行月兼支疏

題爲營兵比例太厚鎮將設役太多謹據實披陳

請

旨裁定事專理新餉山東清吏司案呈崇禎四年二月十五日奉本部送據團練總兵官王威揭稱蒙戶部劄付新餉司案呈奉本部送薊州餉司蔣範化呈開忠義營應找十月分餉銀一萬一千餘兩并十一二兩月餉銀共四萬餘兩立賜派發等因到部奉批新餉司查議速行奉此又

准查覈餉務戶科許給事中手本移會到司查
得忠義營防薊官兵初猶以爲關寧抽調之數
也及行關寧查扣月餉竟不任受今據總兵謝
尚政所呈其諸營係新增雜兵原非舊額而欲
支給於一萬七千之內尚焉得有餘裕乎旣係
新兵應照薊鎮新募之例支給月餉其行糧一
項不得違例而兼支矣倘兼支行糧數更不贅
從前冒濫似應裁扣不得任其混冒又前該營
徑附關兵之例從正月起至六月止找支月米

三千七百七十石業已駁查令赴開寧支領既而
餉司有每兵折給四錢之議亦未允行蓋已蠶
蠲其爲冒濫也相應咨行督撫并劄王總鎮查
議妥確一并報部酌奪等因劄行到職行據忠
義營副總兵鄒宗武等回稱查得忠義營兵丁
自開寧抽調者什七自各鎮徵調者什三恢復
四城俱有勞勩若扣其往而截其來情委難堪
合祈照舊支給等因到職該職看得忠義五營
官兵昔該馬總理於開寧各管拔遼丁西丁夷

丁之精銳者來薊勤

王克爲前鋒以撓奴虜誠一丁可當數丁之用者議
減之文一至人心洵上不定故各將領危詞極
力特爲之請若曰糧餉不繼而必欲樽節寧可
量撤京兵省以贍之則忠義管兵餉勢不可減
等因到部奉批此項原非關寧之兵旣稱驍健
可用准照王總鎮上兵之例每月支餉一兩八
錢月米在內俱赴薊鎮餉司支領從前領過益
菜姑免追扣按期停止而找支月米之事亦不

必行矣奉此行間本月二十一日又奉本部送
據薊州糧儲蔣範化呈稱忠義營所支行月餉
銀奉劄於十一月初一日爲始每兵止給月餉
而行糧已蒙裁革所當亟爲遵照其支過十一
十二并正月分行糧似應照數扣追然旣停其
將來復追其已往缺望之情所不能無此該鎮
與該營有免扣之請耳且行糧一項奉劄停止
業經移會撫道各衙門一體查照矣而該營之
造支請討者如故卽撫道之掛號會給者亦復

如故本職將何以應之等因到部奉批新餉同
查議具題奉此查得忠義管官兵所需月餉向
來附支於防薊關兵之內後因總兵謝尚政呈
報忠義諸營係新增雜兵原非舊額該本部於
去年十二月內另劄發銀八千兩專給該營月
餉復據團練營王總兵揭報前項兵丁俱驍捷
堪用本部准照上兵之例每名月餉銀一兩八
錢月米在內停給鹽菜已經劄行去訖今據各
丁所告防守衝邊月餉不足盤費請支行月糧

銀雖非正例但當封疆多事之日既係驍健兵丁似應體恤合無劄行薊州餉司仍照從前舊例暫准通支月餉塩菜其月米去歲原未支領既有行糧每日一升五合似難再支月米通候移咨督撫查議應否減損再行奏

請定奪仍於嘗數之外先再發銀一萬兩聽薊州餉司支領等因三月初一日呈奉堂批如議行該鎮餉司并咨兵部督撫奉此除卽劄發銀一萬兩行令薊鎮餉司姑照從前舊例暫准行月兼

吏仍咨兵部督撫酌議及劄王總鎮知會外呈
堂題

請間續奉本部送准薊遼總督張鳳翼回咨內稱准
貴部咨卽帖行提督王威將忠義營兵丁月餉
塩菜月米等項查議前來查得忠義營兵行月
兼支已有日矣一旦議裁不無涸涸之狀是以
提督議撤京軍而欲以所遣之餉餉之亦以若
輩驍健可用故於不得已之中而爲是消弭之
術耳今經貴部屢次駁查本部院再四曉諭認

減行糧四斗五升亦出勉強依從寔非中心所
願况中步正武等三營依然照舊而獨於此輩
吝之恐非戢軍安邊之計等因三月二十八日
又准順天巡撫劉可訓咨爲請支官廩雜役月
糧事內開准戶部咨據統理南兵鄧總兵呈前
事煩將鄧總兵額外添設騶從多人及月糧之
外復支鹽菜果否妥便合例其十月分謝總兵
借支盔甲節存銀四百四十二兩給官役廩糧
者應否補還希卽逐一酌妥咨示施行等因到

院准此隨卽行據薊州道兵備僉事左應選呈
稱依蒙會准鄧鎮守手本回稱查得本鎮騶從
人役月糧塩菜銀兩其塩菜久已按月在於貴
道支發似無容再議者但未開月糧故照例陳
請若盈甲銀兩已有銷筭報部議於十月內扣
除等因准此爲照該鎮騶從雖於額外添設然
役使亦難乏人至月糧之外復支塩菜計部以
募自本地食餉欲分等次耳但今當多事或難
以健卒跟役分爲二例應否給與合候憲裁等

因到院爲照盈甲銀兩不可爲月餉借也固矣
自應於十月分餉銀照數扣還至騶從雖額外
添設而援各鎮之例以請實爲必不可省之役
使惟是鹽菜一項在謝鎮時業已按月支領今
問之皆五方之人非募之本地者又當於此通
一視之仁也等因咨覆到部奉批此時錢糧匱
甚無名之費終難准從卽酌議附題四月初十
日又准兵部咨爲懇恩垂憐親丁血戰苦功准
給糧餉以勵人心以鼓忠勇事據統理南兵總

兵官鄧玘標下委官方印呈前事等因據此照
得鄧玘標下據稱乏糧五月令咨貴部卽將方
印所請糧餉按月查給等因移咨到部奉批據
稱乏糧五月果信然否新餉司查議具題四月
十五日又准薊鎮總兵鄧玘揭爲重事權而設
官有官萬難乏騶從有騶從必需餉無餉萬難
空使令事內開承乏統理南兵之任衙門向雖
新設而事權俱附總兵之列

廟堂之上亦以揔兵之體視之非有異同也不得已

而設騶從員役二百四十三人聊以克建旗鼓
之用敷衍大將之體比經呈詳總督移會撫院
斟酌妥確乃敢添設募用其中員役則係中軍
旗鼓提塘等官

勅印旗牌軍牢等役此輩隨職則供使令從征則赴
戰陣毫不敢分外曠役一卒者其廩糧自舊年
九月至今已八閱月矣今奉本部憲批謂無名
之費實難准從本職一聞差官回報不勝慄慄
若謂騶從不宜設則是總兵不必有可以議於

冗裁也若仍留總兵則騶從員役萬不可容少廩糧銀兩萬不可緩給是額設騶從所以全總兵請給廩糧所以養騶從也等因到部送司相應合并具題案呈到部該臣等看軍興孔棘外解木前臣部有定之額望愈殷而計愈窘各鎮無厭之求情益詭而制益煩致不能以無名之冗餼問諸士卒而仍欲以創起之冗役取盈臣部如薊鎮忠義營照援兵例開支而南兵總兵鄧玘騶添騶從至二百四十三人也夫月糧

某原爲無家遠戍者優設此項以稍異於土著之卒忠義營兵旣稱開寧抽調健丁何以臣部行文查扣月餉開寧毫不任受則是烏合投募避新就援以詭厚糈者耳先是總兵謝尚政呈稱忠義營係新增雜兵原非舊額臣部准照王威營上兵之例月食一兩八錢可謂優矣而該營代爲哓哓督臣亦曲爲緩頰則臣部卽欲爲皇上稍留分毫之濫而不可得矣姑如督臣所議停其行糧仍留月米在薊支領以足一兩八錢之

數其鹽菜三分今雖照常支領似亦當酌議者也至總兵鄧玘所增騎從各役揭開二百四十三名每月費餉銀四百四十餘兩鹽菜口糧在外據稱聊以克建旗鼓之用敷衍大將之體似亦近情然建威克敵數百不見其多壯觀排隊百人亦不見少且亦未聞在伍者之不可爲跟役也但該鎮持之甚堅望之過迫且自云

廟堂之上亦以總兵之體視之則應否裁汰是樞督撫臣事非臣部可徑行也今樞部已有咨代督

而撫道又力稱難減則臣部將柰之何哉惟是零星召募計日課食似當姑准照薊門新兵食糧斷無行月兼支之理而薊撫咨稱月糧之外復支塩菜或難以健卒跟役分爲二例等因夫跟役廝養原非徵調而亦欲并支塩菜此非臣部所敢任者該鎮身先將士自當約已以示彈壓恐無庸代爲下役奢望者也以上二項在忠義營原非援兵實係健卒已食關寧厚餉而仍欲支塩菜故臣部難之在鄧玘跟役原非固有

實係創設似不便於開支糧餉而况欲兼支鹽菜故臣部尤難之蓋加意樽節尚虞濫觴若鹽事曲徇將無紀極矣合無請祈

勅下督撫從長酌議忠義營兵除照關寧月餉支給外其鹽菜應否併給或照班軍之例量有減損南兵營總兵跟役是否必不容已其材官廩糧若干牢伴月餉若干應否募自薊鎮而比照關寧應否身非援兵而並支鹽菜再一逐名點查就中果有驍健家丁又當別論蚤有畫一以表

經制年來將驕卒悍治兵者不爲治餉者設身
主持而今日十百明日千萬將令餉且立盡而
兵其何以結局矣臣部誠不能不亟爲呼籲者
也伏惟

聖明鑒裁申飭施行

崇禎四年四月二十一日具

題本月二十四日奉

聖旨餉以贍軍宜酌量遠近勞逸以爲差等忠義營
原非援兵已食厚精何得兼支鹽菜鄧垓身爲大

將正湏廉勇率先何得增役糜餉督撫官不亟爲
釐正曲徇代陳均屬溺職着速酌議具奏欽此

回奏發過所借厔銀日期疏

題爲欽奉

上傳事專理新餉山東清吏司案呈崇禎四年四月
十七日奉本部送

內閣傳奉

上傳昨准戶部請借光祿等衙門銀兩解補關寧等
處三月分餉匱否解去卿等傳他回奏欽此欽遵
查得題借太倉輕賫等銀八萬兩派發寧遠三
萬山海二萬薊州三萬委官王文道等於本月

十八日解運去訖光祿寺銀六萬兩派發寧遠
三萬薊州二萬密雲一萬委官王大歷等於
十一日解運去訖除經本部於恭謝

天恩并據實回

奏疏內

奏報外其太僕寺銀六萬兩派委官杜呈芳領解
寧遠二萬三千七十二兩王國臣領解薊州一
萬兩蕭世武領解永平鎮八千七百五十六兩
七錢李時發領解山海一萬八千一百七十五

兩三錢於二十二日兌發二十三日出城以上
俱補作三月分月餉相應回

奏案呈到部該臣等看得同寺守官而力爭

聖人用權以濟變真回枯蘇稿之解澤也該寺諸臣

欽奉

諄諭於二十二日兌給二十三日解發矣臣等仰戴
弘仁俯慚溺職可勝感愧惟是四月將盡外解寥寥
加餉襍餉之催檄頽禿不應則臣等之所惴惴
莫必其後者耳爲此謹將發過各鎮數目日期

并委官姓名理合具本題

知

崇禎四年四月二十四日具

題本月二十六日奉

聖旨知道了欽此

覆川省抵解援具原借安家月餉疏

題爲恭報微臣遣發入衛官軍二次給發行月糧
餉俱係按括設處不敢開銷京餉毫釐事專理
新餉山東清吏司案呈崇禎四年四月十一日
奉本部送戶科抄出四川巡撫張論題前事本
年四月初九日奉

聖旨該部查明具奏欽此又該該撫題爲遵

旨動用加增站銀以抵奉調秦兵行糧安家事本年
四月初十日奉

聖上日該部酌議具奏欽此欽遵通抄到部送司相應
通查酌覆案呈到部該臣等看得自有軍興以
來勤

王之旅幾遍宇內行月安家無求不給勢不得不然
也然入援莫非

王師措餉應無異例臣部偶爲通融終當一體解補
此無容諉亦無容涵者也當川兵之入衛也初
係畏糧而從安家一項原未支給迨各兵抵燕
卽援例請給兵部以其萬里從戎重爾荷戈請

每兵給安家銀四兩而取給於臣部臣部亦不
便異同而與之兩次借給安家銀二萬二千九
百四十四兩又借給余躍龍兵丁安家銀六百
六十兩又續調松潘石砭官兵抵京之日兵部
復爲代題借臣部安家銀二萬六千一十二兩
共借過四萬九千六百一十六兩此應還臣部
安家之數也援兵抵邊月餉例係本省解給自
去年七月蜀餉絕解各兵訴索迫切臣部不得
不允其請於十月併十一二月共借發過月餉

銀四萬八千八百九十七兩二錢六分內給放
自七月三十日起至十二月三十日止共支過
官兵月餉銀四萬三千二百八十四兩八錢二
分此該省應還臣部月餉之數也外剩存五千
六百二兩四錢四分已扣作四年臣部應給春
餉矣以上共該解還安家月餉銀九萬二千九
百一十兩八錢二分及查該省解補過銀一次
差官魏之琦解一萬兩一次差官雷灝解五千
七百六十八兩一次差官魏希尚等解銀三萬

兩共解銀四萬五千七百六十八兩臣部前奏
意該省悉出搜括故於催解疏中准其開銷但
以五萬二千七百四十五兩爲應補之數今據
撫臣張論疏開內有二萬兩係地畝遼餉不應
抵筭除此二萬外該省解還臣部者止得二萬
五千七百六十八兩尚有六萬七千一百四十
二兩八錢二分未還也夫安家動支崇禎三年
分扣裁驛遞加增銀兩屢奉

明旨該省既有三年扣裁加增站銀四萬一千九百

三十餘兩已經臣部會同兵部題克安家奉有
欽依可無庸他求矣撫臣議將前項解過之銀抵補
安家並不言及月餉致謂尚溢二千八百二十
四兩不知該省會計者作何打算耳又議將裁
扣站銀內以三萬一千六百六兩五錢八分以
抵秦兵行糧以支剩一萬三百餘兩解補秦翼
明官兵安家不足者於報解捐助內除還去該
撫所謂以抵秦兵行糧者蓋欲留作本省遣發
石碁松潘官兵所費之數也不知均之抵補各

有款項以驛站抵安家兵部自無庸爭以驛站
抵月糧臣部且不任受而尚得留爲本省開銷
之地乎矧該撫初疏有云爲臣子者不思枕戈
裹糧以敵王愾乃一一望芻餉於大庾則劒及
門寢之義所不敢出繼云不敢抵兌毫釐以盡
犬馬竭蹶勤

王之念言言忠讜臣甚感服乃至再疏而又輕議抵
留若爾不惟臣等兩部之題奉

欽依者竟屬空談不將舉該撫前言亦成漫語耶茲

則臣部所萬不能從亦不敢從者也合將三年
分裁站銀四萬一千九百三十六兩三錢速解
臣部以償借給安家之數餘欠七千六百七十
九兩七錢另措解補其借給過三年分官兵月
餉銀四萬三千二百八十四兩八錢二分除解
還過二萬五千七百六十八兩尚欠一萬七千
五百一十六兩八錢二分臣部豈不知川省調
發獨煩該撫撙括難繼也但無奈主客之餉數
有定行月之交訖堪憂查臣部近題奉

明旨云三年以前借過該部的仍着該省照數解補
是則臣部錙銖打算日夕盼望以補饑軍之缺
額者而安能輕議註銷也乃該撫又欲於報解
捐助內通融除還臣又未敢固執而不量爲酌
濟者查該撫兩次疏報捐助銀一萬八千四百
四十七兩零除起解過七千兩內支給秦兵一
千九百七十兩九錢八分五釐解到臣部五千二
十九兩一分五釐外尚存未解捐助銀一萬一
千四百四十七兩零合無准其速解臣部以抵

借欠月餉之數餘欠銀六千六十九兩八錢二分亦另措解補然則該撫疏云抵還有餘者蓋指安家而不及月餉且第指先次所借之安家而不及後次余躍龍并松潘石砭續借之安家也今臣部堯底清算總計該省共借過臣部安家銀四萬九千六百一十六兩借用過三年分月餉銀四萬三千二百八十四兩八錢二分今議以三年加增站銀抵安家以報解見在捐助抵月餉該省免措處之艱戶兵無混抵之嫌所

當刻期解償以稍救眉睫至於無抵七千六百七十九兩七錢之安家六千六十九兩八錢二分之二月餉爲數不多搜捐尚易並應如數解足以銷前件諒該省撫按諸臣封疆起見自能悉索以應不俟臣部之再呼耳且川省月餉近議自四年起俱出臣部支給雖有全還加派十二萬兩之數而計口授食尚不足支五千七百餘人九閱月之需而秦兵萬人尚不與焉今又勉爲除還捐助萬餘金則臣部之爲川兵計亦備

極艱窘矣撫臣當不病臣部爲苛而竭蹶以病
臣之苦可也旣經該撫具題前來相應查明酌
請恭候

命下臣部行文四川巡撫并咨都察院轉行四川巡
按御史一體遵奉施行

崇禎四年四月二十六日具

題本月二十九日奉

聖旨覽奏川省欠部安家月餉銀兩應以驛站捐助
二項分抵著該撫查明照數速解不得混淆虧欠

該部本字畫每細貼黃尤甚前已屢旨申飭各衙
門一體遵行欽此

覆賞功銀兩非戶部職掌疏

題爲

請發功賞以振士氣以固巖疆事專理新餉山東清
吏司案呈崇禎四年四月二十四日奉本部送
戶科抄出遼東巡撫丘禾嘉題前事等因本年
四月二十三日奉

聖旨賞賚酬功豈容遲緩著該部速議具奏丘禾嘉
一面申布朝廷德意鼓勵將士俟解銀到日卽照
數給發併懸上賞以旌殊捷該部知道欽此欽遵

抄出到部送司相應酌覆案呈到部該臣等
得邊庭之士無賞不往固也然而峙糗束芻以
資飽騰臣部事也樞臣未嘗過而問焉論級予
賚以勸捷伐樞部事也臣部亦不能越而代之
歷來問寺所儲市駿之餘專備賞功典例具在
二百餘年未之有改也自天啟七年寧遠解圍
內鎮臣紀用危詞索賞前部臣怵於逆焰有喜
此捷音憐彼堅守願借動漕折銀四萬兩以助
錦州內鎮縣賞之用等語彼一時也破例曲徇

吞聲茹荼原不可爲

世界清明官守晝一之時作榜樣也客歲逆虜蹂躪
名城告復樞臣梁廷棟於罔藏奏賞銀六萬兩
外硬坐臣部幫給四萬兩臣時具疏力爭而樞
議堅不能奪臣心苦無所訴只得勉割新舊餉
各二萬共四萬兩以應奉

聖旨這奏措發賞功銀數知道了其餘該部旣急軍
興不能復措罔寺可否足給着兵部酌議奏來欽
此是賞功一項臣部之代罔寺剜肉已蒙

聖鑒而樞臣梁廷棟濫觴不已取携如寄今年二月
又以三萬題奉

明旨勒派臣部臣部不能措而不敢不措之情景亦
約畧在人耳目矣今據遼撫丘禾嘉賞功一疏
固未開坐臣部恭繹

明旨着該部速議具奏亦未指定臣部臣可無言但
閱邸報兵部題爲虜衆結聚等事奉

聖旨這斬獲虜級應否用賞功五萬兩從戶部給發
再明白奏來欽此則是兵部尚仍踵前訛而又欲

波累臣部也然而

聖明在上循名責實戶之與兵名各有司餉之與賞
實各有用

明旨曰應否從戶部給發再明白奏來固已

洞見夫天啓七年之變局壞成例而不足據卽客歲
六月今歲二月之硬坐偶牽強而不爲例也臣
固當靜聽

天語之剖分矣惟是年來人情以戶部爲壑而不顧
其溺恐成議一定愈費角持故不得不預行控

陳以杜樞部之葛藤牽扯耳雖然當給與否視
乎職掌樞部固不能強得之臣部然能給與否
視乎力量卽臣部亦不能漫應之樞臣月來外
解中斷餉額入缺致以額

請二字仰蒙

切責卽罔寺奉

旨力爭實應且憎臣部不能不覲面受之自贍無策
安能分一臂以佐樞賞乎因憶今歲二月兵部
借口理會罔寺之舊欠勒令出銀三萬是時計

吏雲集新餉輻輳臣部亦凜凜於樞臣之督責
具疏辯明勉奉下風今當此新庫如洗之月任
人煎逼臣惟有以去就死生爭之已耳是非臣
之好爲堅執也譬諸農家糊口有資尚堪節腹
以奉追呼救饑不贍安能絕粒而修禮讓查臣
二月疏末曾諄諄曰嗣後尤望兵部獨力肩承
不得藉口補還舊欠而據以爲例蓋蚤已慮及
今日者墨藩尚鮮息壤在彼兵部想當講於平
恕之道矣且

皇上於驛站節曠銀兩除三年加增者許動支安家
衣裝外其無援兵省分并二年以前及四年以
後俱解兵部是正可以供功賞之需而佐罔惑
之乏者樞臣自宜悉索以應勿徒望梅於久涸
之額餉而致稽

大典爲也伏祈

勅下兵部將寧遠賞功銀兩卽從太僕馬價併驛站
銀內動支不得推諉交爭庶職掌定而議輸亦
省矣旣經該撫具題前來相應覆

請伏乞

勅下兵部遵奉施行

崇禎四年四月二十六日具

題本月 日奉

聖旨

覆班軍塩菜秦兵月餉疏

題爲急發糧餉事專理新餉山東清吏司案呈崇
禎四年四月十三日奉本部送准兵部咨該閣
部孫承宗題前事等因四月十一日奉

聖旨恢復修築事宜卿自有深籌遠畧便可指授文
武將吏一舉圖功併所需兵餉允宜速發戶兵兩
部詳議具奏欽此除班軍修築聽兵部議覆塩菜
月餉事關本部又准閣部孫承宗咨爲請給月
糧以壯敵愾事內稱據關內道叅政楊嗣昌呈

本年三月十三日蒙閣部批先該署道陳郎
呈蒙閣部批據統領四川漢土官兵秦總兵
請借月餉製造衣甲等情具呈蒙批關內道查
有堪動銀兩借給以待扣補蒙此隨行據管關
通判查有朋椿馬價草乾各項下尙存四千餘
兩又按之庫貯借之餉部共銀二萬兩又奏借
各舖行錢布五千兩戶部餉米五千兩共足三
萬兩乞批行部道鎮逐名散給仍索秦總兵
領粘卷以便俟餉至關扣補緣繇又蒙本閣

批據秦總兵呈稱奉閣部憲牌據該鎮之請念
遠戍孤兵預支兩月餉銀已借別項以應又念
兵丁以兩月之餉漫用於此時及當月扣補則
兵丁何以自給爲今之計合無乞將前借銀兩
疏請准作萬兵三四月當月開銷仍祈移部照
數速解補庫填還其五月以後餉銀俯賜移文
戶部逐月差官解運至關等情看得石柱川兵
萬里遠戍毅然出關其所恃以養命者惟此月
餉是藉較諸關兵尤不相牟而且晚不容遲緩

也所需餉銀雖始議該鎮差官自領而貴部所
給發者據詳僅二月前半月而止其二月後半
月以至於今未經發給是以各兵紛紛索借不
已而按括關庫朋椿等銀二萬八千九百八十
七兩七分有奇計算可扣足四月分之數又借
給月米八千二百九十石料豆一千一百四十
七石五斗二升草二萬八千六百八十八束計
可扣足三月分之數矣所借關庫銀兩皆買易
功犒急需所宜如數請發以補原項者也嗣後

該鎮月餉所貴部每月先期解給用息群賢其
應用本色除料豆所需不多或可通融支給若
月米草乾係額外所增關門勞難支應按數加
增運發給領責令另項銷算庶軍糈足而兵心
亦自固矣爲此合咨貴部煩將借發過川兵前
項餉銀二萬八千九百八十七兩七分如數速
發補還以後月餉草乾先期解給其月米移會
津部另議增加及時帶運用濟急需等因奉批
新餉司查議具題批送到司爲照奏翼明官兵

除官廩外每兵每月該銀一兩四錢米五十折
銀四錢共一兩八錢先願赴京支領及赴關出
勦仍向關門借支月餉米豆閤部權宜給發而
移咨本部取償理也查三月初七日委官王文
瑞領秦翼明二月下半月除去關門米豆淨發
銀七千三百三十兩今四月二十三日委官郭
重詔杜呈芳領秦翼明三月分除去米豆淨發
銀一萬四千一百七十一兩三錢三分三釐則
秦兵春月之餉已足矣其四月餉銀尙俟另發

扣補關門其五月餉銀另俟解發接濟秦兵又
借過米豆另項開銷通融支給如不足者津部
增運接濟其班軍鹽菜已照例劄庫給發委官
王文道領運外相應請裁併題等因案呈到部
該臣等看得奴孽作難墮我名城寧遠距右屯
數舍地耳年來養威同爨未加一矢

皇上念久廢不戰之兵坐老內地不如乘朝氣方新
之時漸試維揚遣祖帥出關而發秦翼明漢土
官兵萬人以往緣大凌堡以規右屯緣右屯以

規松錦誠以漸恢復之遠畧也閤部一嘗審視
虜已在目中矣班軍塩菜舊例每名日給二分
中千等官二分五釐襍流等役一分五釐一萬
四千名約該八千四百餘兩臣念工役緊急且
劄王文道領運出關唯是秦兵月餉先議赴關
掛號赴部親領迨出關而始知京支之不便呈
請借給月餉閤部念此遠征悉索朋椿功犒之
需以應其求盖曲爲封疆鼓敵愾而權爲臣部
杜呼庚也咨稱銀可支四月欽臣部照數發補

未豆可支三月欲臣部另項銷算查秦兵二月
分新餉銀兩委官王文瑞先經領運惟三四月
分銀尙苦無措但朋椿功賞皆關門急需而不
容久通者萬不得已先將臣額借太僕寺銀權
移一萬四千一百餘兩運赴閣部軍前抵秦兵
三月餉數咨載原借兩月餉銀共二萬八千九
百八十七兩零蓋合二月下半月言之今臣部
已發至三月盡矣所未補者僅四月上半月容
續圖解補並議接濟也若秦兵旣已出關矣風

甬應變呼吸索飽待哺於京支固不便遙控而
藉潤於關儲亦未免需時五月以後之銀四月
以後之米豆仍應併歸寧遠餉司兵道按籍核
給使主客無遲速之參差而本折有應手之緩
急似便計也至米豆各有款額借支固非常策
然關寧兵馬之援薊者其月米多支折色其料
豆例不重支則彼中未必遂無贏餘也者此後
或津門增買帶運以爲補湊之計或秋成量放
折色以省轉運之勞仍候咨議確妥酌行者也

既經閣部咨會前來相應題

請恭候

命下容臣部移咨閣部津部制行經建餉司兵道查
照遵奉施行

崇禎四年四月二十六日具

題本月三十日奉

聖旨班軍修築秦兵遠戍揔菜月餉勢難延緩這已
經發過及抵補借給知道了其餉歸還遠戍并米豆
買折事宜還與該督撫酌量辦理欽此

因旱陳言兵冗餉訕疏

題爲天道亢旱兵冗餉訕拮据無策萬分可虞謹
冒昧控陳懇祈

聖斷處分事專理新餉山東清吏司案呈新餉每月
關寧薊永諸鎮共該月餉塩菜銀四十五萬有
奇而召買運價等費不與焉目今三月那借甫
完四月分毫無措祈賜酌議等因案呈到部該
臣等看得年來奴孽腥穢我郊圻旋就廓清秦
晉盜弄我潢池漸聞綏輯是雖師武臣力哉實

荷我

皇上雨暘叶禱輸輓從心可恃以無恐耳今者夏秋
在眼靈雨未零

皇上齋居玄格甘澍可計時而霈而臣愚焦心於關
寧之饑窘益攢眉於田野之枯槁不覺因兵而
重念吾民也太倉一錢一粒孰非從地畝中來
召買一粟一草何莫非雨露所滋苟無年安從
有餉然重念民而轉過慮此兵也年復一年之
兼支借支敝天下不足以養卒不可問之增減

逃亡再加派亦難爲繼長此而無變計恐可憂
方大也該臣部先具兵餉出入大數一疏內稱
共計舊額新餉兵馬歲該銀三百二十一萬五
千六百六十餘兩新增新餉兵馬歲該銀一百
三十四萬一千一百一十餘兩各鎮入援兵馬
歲該銀一百六十九萬八千一百五十餘兩三
項共該銀六百五十四萬五千七百四十餘兩
加以召買海運等項共該銀一百六十三萬四
千五百二十兩零而閏月餉銀鹽菜與薊永之

運價約該五六十萬不與焉合之則八百七十
餘萬矣及查舊日加派襍項共該銀五百九十
餘萬新增每畝三釐約可得銀一百四十餘萬
總計不過七百三十萬計而工部分餉銀二十
萬亦在其內即使盡完尚缺一百六十萬而外
其未必完也主客有交困之勢而行月無交資
之策激切上陳我

皇上穆然周念有委宜深慮之
旨則臣部供億之艱已洞然於

宸衷亦曉然於內外矣顧苦而號者必寬一路以蘇
之病而呼者必尋一方以療之臣部日夜叫
聞而司尺籍者不一惻然計長久是不抽薪而欲沃
釜之無乾也雖累牘何益也頃

皇土軫念饑軍

俯允臣請暫借太倉光祿厠寺銀二十萬兩以紓然
眉而

諭飭臣部曰兵食大計宜畫成規該部還總會出入
裒益盈虛酌求可繼勿但補苴目前輒煩籲請欽

此迫臣部具疏恭

謝復奉

聖旨朕軫念窮軍請餉立報何得部行反自延緩卿
還嚴督司官不得拘牽格套至于軍國大計尤在
商確士馬裒益盈虛務圖經久可繼之策若徒緩
急籲陳以致執爭煩瀆殊非倚任至意這所奏知
道了欽此臣捧繹

天語切責申重而未嘗不厯念老師匱財之非算也
夫舊兵新兵援兵方張願待哺而出浮于入者

共計一百餘萬此殊非細事也入之盈虛或據
或節臣不難破情固以從事而出之裒益爲公
爲冒臣何能歷行伍以定籍查開寧及薊密永
昌四鎮額餉庸敝以前月不及三十萬今逾四
十五萬矣雖有新派三釐生員優免而秦晉登
撫議蠲議留子衿姑息不報不解猶之乎未派
未扣也舊例入援之兵月糧取之本省行糧取
之臣部今支行糧又借月糧一借不已視爲定
例目前襟肘露已難措西江以緩啼號到頭

水盡石出何計尋金穴而救潰散且

國家全盛物力而太倉無隔宿之鎗以備緩急有
識莫不寒心矣臣前疏有云衝邊不必可撤而
腹裡似不妨量撤兵之有用者必不可撤而兵
之無用者正不妨量撤今潞河津涿之間閭閻
楚粵之旅地居腹裡兵多脆弱聞逃亡者相繼
而以土人流棍頂補冒餉河上逍遙何濟於事
從來樞計協謀則軍實裕而邊政核樞臣徒登
壇於薊遵清汰之已事坐觀饒乏而諉之關外

及引領而望之總督又以予告候代計惟閣部
孫承宗老謀宿望如長年三老之占風候潮萬
無一失

皇上試爲谷詢曰五方氣稟異宜閩浙楚粵之兵得
毋以餅師萊傭克隊或身手中下不耐衝突乎
邊腹巖緩異勢潞河津涿之地得毋與關寧隘
口殊形且襟帶

畿輦易爲呼應乎度閣部滿盤審視必有碩畫以
應

顧問而新薊撫傅宗龍頃在長安嘖嘖於冗兵之費
餉卽不屑爲量柴數米之纖計亦必不狃屯練
聚蟻之鈍着以用之之道遴之以練之之道省
之固饒能辦此矣臣部司餉之官不宜干預兵
事但兵與餉原不相離開與節自難偏廢雖有
欲避越俎而不得者方今夙耻未雪新捷方張
正圖散金饗士合圍掃穴而臣愚敢爲曉七者
豈真怡堂之燕雀哉誠以力不贍而勢難久也
若儲餉之餘以優銳兵留兵之精以享厚餉而

嚴哨探密烽燧虜豈能飛度者釋此不圖而聚
數十萬不戰之士經年累歲而吸百姓之脂髓
雖時和年豐猶抱不戢之恐萬一天行久沴而
召買無出則本色困加派不前則折色困食物
告乏則民與兵交困雖欲長廩此兵能乎哉則
夫酌量調遣使主兵分客之飽卽客兵亦不素
客之飡愛餉也實愛兵也爲民也實爲

國也我

皇上明金日月想已籌之熟矣惟

俯賜垂察幸甚臣等無任惶悚聞越之至

崇禎四年四月二十八日具

題五月初一日奉

聖旨這奏內事情已有諭旨了目下需餉甚殷還著
接期措給勿致延悞本內雀字訛省厚字訛原改
正行欽此

覲叅省直府州縣各官疏

題爲欲清錢糧之完欠須重拖欠之罰治庶儆積
玩乃濟然眉事專理新餉山東清吏司案呈崇
禎三年十一月十八日奉本部送戶科抄出專
管查覈餉務戶科給事中許世璽題前事等因
本年十一月十七日奉

聖旨朝廷軫恤民隱豈忍急迫催科但從來正額錢
糧百姓未曾逋負每係有司那借猾胥乾沒解官
侵延種種弊蠹不一這省直加派雜項如何京卿

守催尚欠二百餘萬依議細查分數勒限全完入覲司府州縣欠額多的縱令俸滿仍著回任戴罪督解完日方許陞遷行取違限不完卽照加等罰例示懲倘有實欠在民或遇歲荒兵倣果難徵歛的該撫按明說根因分別具奏如有曲徇一體治罪該衙門知道欽此又該管理新餉本部右侍郎

周士樸題爲

覲官雲集積欠可清事本年十二月二十五日奉聖旨計吏雲集卽將天啓六年以後加派雜項錢糧

面質完欠具奏其有順齋續解者酌量分數開復
陞考併玩違罰處該部俱照近例題行欽此欽遵
抄出到部送司除省直司府完欠業經分別具
奏外所有州縣各官相應照例分別查叅奏呈
到部該臣等會同督理新餉侍郎周士樸查核
餉務戶科給事中許世蓋看得述職大典首闕
錢穀臣部於各省藩司兩直郡守業分完欠而
殿最矣然司府職在提綱有司身為民牧催科
係其專責司府之所通卽州縣之通司府之受

過卽州縣之過分別議罰誠有不容寬者案查
舊例新餉

覲叅止有叅罰而無舉薦止責見任而不及陞遷除
七年以前業經上次查叅不開外謹據目前現
到

覲冊與各官互加叅核於前與藩司詳爲面質於後
復行出示曉諭有州縣已解而開報未明者令
其自爲登答不以無辜受罰有司府先爲措解
而有司拖延猶故者仍以未完摘叅不因代解

倖免然此爲有冊籍者言耳中有江西七年并
元年分無襍項州縣細冊湖廣四川并蘇州松
江徽州鎮江等府各年州縣細冊亦未全備統
候造到之日一并查叅不敢懸爲臚列陝西藩
司

覲冊止報三年分府州縣完欠之數而不開經管職
名查餉臣舊例無職名者止叅府州縣分其現
任經管官員俟該司造報移咨吏部分別議處
今當倣行又各省直預徵遼餉四年三分江西

三年五分另有特疏勸懲亦不敢溷入

覲參之內今將各省直州縣經徵新餉查核明確除全完欠少者免議及雖有逋欠見經察處革職閑住事故等項法難再加暨陝西延慶平三府奉

旨停徵不開外查各省直舊例見徵者自元年算至三年江西壓徵仍以七年算至二年分別叅罰不敢少爲寬假今按新例未完一分以上者俱應降俸一級戴罪督徵二分三分以上者降職

一級戴罪督徵未完四分五分者降職三級戴
罪督徵未完六分七分以上者降職三級赴吏
部改選盜錢糧有欠少欠多自不得不細爲分
別擬議法固然也但州縣完欠數目最夥逐款
開坐恐煩

聖覽謹按題復往例合之督餉御史近來則例臚列
於左其未完一分以上者如浙江紹興府署印
同知孫光祚衢州府知府龐承寵富陽縣不及
降級知縣衛琮餘杭縣署印按察司知事黃繩

卿臨安縣知縣陸經術秀水縣知縣田見龍
補縣知縣龔立本歸安縣知縣張孫振山陰縣
改教知縣史續烈上虞縣知縣吳士貞武義縣
知縣舒自忠西安縣署印本府通判吳翰龍臨
縣知縣談所蘊江山縣知縣徐士慶開化縣知
縣朱朝籓永嘉縣知縣陳應運樂清縣不及降
級知縣林大菁麗水縣知縣陳學伊縉雲縣知
縣陳世忠青田縣知縣韓晃江西南昌府知府
郭澆袁州府知府田有年吉安府知府馬之

撫州府署印同知黃夢瑞饒州府知府張有譽
南康府知府張善治九江府知府辛以忠新建
縣知縣王士譽新昌縣知縣金時揚宜春縣知
縣王沾祐萍鄉縣知縣梁學會吉水縣知縣王
龍震龍泉縣知縣宋運昌崇仁縣不及降級知
縣牟穗東鄉縣署印本府同知黃夢瑞廣昌縣
知縣宋兆禴鄱陽縣知縣饒震元安仁縣知縣
潘士元安義縣知縣陳善繼湖口縣知縣劉延
漢彭澤縣知縣張于濂大庾縣知縣謝禮寧都

縣知縣童思聖石城縣知縣徐九行龍南縣知
縣韓一龍安遠縣知縣孫履端河南汝寧府知
府王建和鄭州知州夏惟家涉縣知縣孔聞諱
胙城縣知縣郭承蔭孟津縣不及降級知縣吳
岫澠池縣知縣王雋確山縣浮躁降級知縣李
紳眞陽縣知縣王祚信陽州知州蘇夢燦羅山縣
知縣姚士恒光山縣知縣胡士昌伊陽縣浮躁降
級知縣冷之澤廣東感恩縣知縣徐世奇陝西
同官縣西和縣禮縣文縣徽州郿縣蘭州汧陽

縣城固縣紫陽縣南直鳳陽縣知縣丘爾懿肝
貽縣知縣孫徵奎靈璧縣知縣周文明宿遷縣
知縣楊獻吉以上各府州縣各官所當查照新
例降俸一級戴罪督徵者也未完二分以上者
如浙江湖州府浮躁調簡知府金廷璧台州府
署印同知徐天丁溫州府知府林應聚處州府
知府徐維藩海寧縣署印本府同知劉元翰武
康縣不及調簡知縣章文岳餘姚縣浮躁調簡
知縣蔣燦黃巖縣不及調簡知縣楊重鼎分本

縣不及降級知縣石驥玉瑞安縣知縣沈鑑
平陽縣不及降級知縣李邁種遂昌縣知縣
順化龍泉縣知縣趙友益宣平縣知縣鄭龍
江西瑞州府知府馬維陞豐城縣署印臨江府
同知霍尚仁上高縣署印按察司知事王九鼎
峽江縣知縣關用學安福縣知縣陳曷虞永新
縣知縣王世楠萬年縣知縣俞維良都昌縣知
縣劉暹崇義縣署印本府推官鄭不倚信豐縣
知縣林震元河南歸德府知府董嗣謀延津縣

知縣鄭光世淇縣知縣崔庚廬氏縣知縣計于
民西平縣罷軟知縣劉肇垣陝西臨洮府漢中
府永壽縣隴州漳縣階州寧羗州興安州漢陰
縣南直句容縣知縣文廷望邳州不及降級知
州劉檄未完三分以上者如浙江德清縣知縣
胡景宏常山縣知縣孫兆隆慶元縣知縣陳國
璧江西萬載縣知縣韋明傑廬陵縣署印本府
同知蘇國翰樂平縣署印本府推官朱天麟星
子縣知縣陳巽言瑞金縣不及降級知縣賴道

南定南縣知縣陳日炳陝西寧遠縣伏羌縣
縣秦安縣清水縣南直睢寧縣知縣朱登明
以上各官所當查照新例降職一級戴罪督徵者
也未完四分以上者如浙江安吉州不及降級
知州孫幼孜孝豐縣知縣馮士衡寧海縣知縣
嚴鑑景寧縣知縣夏時泰雲和縣不及改教知
縣章元璞江西寧州知州胡如川陝西鞏昌府
金縣秦州麟遊縣未完五分以上者如浙江仙
居縣知縣唐夢鯤泰順縣知縣潘仲蘭陝西渭

源縣兩當縣石泉縣以上各官所當查照新例
降職三級戴罪督徵者也未完六分以上者如
陝西隴西縣通渭縣鳳縣南直桃源縣知縣鄭
贊未完七分以上者如陝西安定縣會寧縣白
河縣以上各官所當查照新例降職三級赴吏
部改選者也但查陝西兵荒流寇猖獗人多累
足不前所有查察各官若聽赴部調用恐反開
其規避之門又桃源縣地多荒蕪人盡流亡亦
難與他縣並論似當以宋源例減等正照例降

轉三級免其赴部調用此其對酌地方情形亦
得不然而非敢故爲寬假者也再照往例參用
凡經察議降調者罪無重加今奉加等新例合
無除罷斥者例得免議餘官仍赴部改選之日
未完三分以上者俱罰俸半年未完七分以
上者俱罰俸一年庶主計之自簡尚可與考功
法並伸不悖足懲前而懲後耳至於所欠銀兩
應著見任官照數督徵毋得藉口推諉自干參
罰臣部非不知民有淳頑而地有肥瘠也惟是

軍興孔棘餽餉殷煩

皇上俯憐臣部匱乏續議再派而額欠者尚復苟安
習故全不照應是所派不足以抵所欠長此不
止恐淳亦化而爲頑肥將駕口於瘠矣臣部雖
欲嚴於司府寬於州縣得乎哉亦知拂情歛怨
勢所必至然苟濟軍

國遑恤之也如果臣言不謬伏乞

勅下臣部行文吏部將未完各官應降罰者降罰應
調用者調用仍移文各該巡撫藩司并咨都察

院轉行各巡按御史亟行督催上緊徵解施行
崇禎四年四月十一日具

題本月十五日奉

聖旨錢糧考成法宜畫一昨查叅京邊完欠江西亦
至三年新餉復以壓徵藉口又計吏雲集前有旨
着面質詳核如江西等省蘇松等府細冊未備陝
西不開經管職名初時何不糾叅卽令自行回奏
且稱餉臣舊例止叅府州縣分俟司報咨部此正
往時延隱積弊何故今尚倣行致開列分數俱

經管年分總屬含糊塞責特設部科綜稽所職何
事周士樸許世璽還着明白奏來欽此

言條陳十款疏

題爲

聖主爲民求瘼微臣遇災思救敬循職掌據未議以
答

乾惕事。理新餉山東清吏司案呈該本部題本年
四月十七日伏讀邸報禮部接出

聖諭朕因三春無雨齋居文華旬日以來亢暘轉甚
雖朕之精誠未至抑亦臣下事有欺蒙或用人者
選擇不當或任事者推諉不擔或刑罰不當而獄

底多冤或墨吏縱橫而細民失所或遵求之援偏
擾害土著或秦晉之征卒妄戮無辜或言官之奏
論修怨徇私或撫按之舉劾視賄爲準以及省直
之召買暗派窮黎邊塞之民膏先充私橐有一於
此便足上千

天和着該部院通行申戒各國省存其各衙門果有
應行事宜關修省要務者明白切實具奏但不許
勦泛條陳借題廣奏至在外各省督撫以身倡率
嚴飭所司務期文武悉殫心力軍民各安其業仍

着禮部速擇吉日再行遣告該司齋宿公署市肆
嚴飭屠沽共竭丹誠冀圖感格以稱朕敬

天勤民至意特諭欽此臣聞之爲稼於湯之世者雖
一漑之功無益然必一漑者後枯此喻養生也
而可以喻養民蓋久旱時之桔槔稍蘇須臾便
有生機徵調時之蠲減略加休息卽同時雨耳
臣承乏主計典在錢穀仰奉

皇上明作之治一切督漕摘玩烈於夏日心未常不
念之而兵與餉浮勢固無如何也今者昊穹垂

澤雲漢引痛祝網建輶昌言盈庭臣等忝民和
之官同田家之患所愧徵派相仍不獲盡弛以
救焚灼覩此利病在案姑爲請

命以懌雲霓謹度其時當急行勢實易行者臚成十
事以脩

齋居之清曠焉一曰開薊經制宜定一兵之有制
卽餉之有經也

國家歲計京邊肆百萬民間尚苦積逋今正襍新
餉加至七百萬而缺額尚百六十萬長此而無

變計恐財以老而滋匱師且以暴而自焚今當
急定經制舊兵若干新兵若干各處援兵可留
若干單支雙支實求有用行月鹽廩酌中可久
寧餘餉以待兵母設兵以索餉臣前此非不題
奉

明旨而數月來趑趄不報者子虛技窮於待募苟且
造報者甲乙數取夫脩員彼司尺藉者不過謂
新派三厘生員優免原以備不足而不知此二
項尚煩討論况舊議三年之後卽行捐停

王言宜信後災誰執願

勅督撫之及時料理一秦晉災傷宜恤九饑年
之生盜猶腐木之生蛀也害氣相尋天行與人
事居半邇來秦晉之間災祲流行所在揭竿而
起今幸仰藉

仁威賑勦並用漸次告平矣然而病之加也每於其
復今不患撫之不可堅而患比里之中以尋仇
生激已甚之吏以招豚滋貳則夫省刑緩徵輕
徭薄罰開農桑之源杜告訐之路以培元氣使

賊民如狂子之歸家良民樂哀鴻之集宅惟願
良有司實心求牧與芻耳願

勅撫按加之意也一 賦役全書宜成○田賦易禁
民愚易欺往往一時之權宜累歲不除而里胥
緣奸吏爲祟甚而

朝廷代汚吏解嘲故全書之不可已臣部業蒙
俞旨分官較訂矣嗣因暗中摸索慮乖時宜題奉
欽諭責成該省撫按先行磨勘除裁冗派額等項軍
興偶起不必載入其丁糧徭編及新裁驛站該

司府急宜採訪而周之撫按該撫按急宜酌劑
而彙之臣部臣恐多岐亡羊聚訟不斷專撻一
二心計司屬會同該司掌印官虛勘靜研務令
總撤不差一目了然而後請

旨頒布刊刻板榜樹之通邑大都以杜私增私派諸
弊俾良法因地方之宜而王制近人之情中間
或有例不敢筆之於書威尚可刼之於民者恐
無所逃於白簡也一州縣火耗宜禁夫士之
廉猶女之貞也本分自然何煩獎勸而賢者鮑化

於養交不肖者狼籍於剝髓頑鈍相高往往藉
口曰名譽非火耗不隆交納非火耗不固今幸
皇上嚴禁苞苴餽遺盡屏則從此白水之盟可以謝
客萬一青蠅之敗無用尤人矣尤可恨者加派
一役臣部剗肉醫瘡之下策而不肖有司假催
餉之檄作潤橐之符取償更猛而規利更速殆
又與於尋常苛歛之甚者所宜責成撫按於巡
行之際訪問疾苦抽驗銀封或令風力推官不
時代行體察事發者從重叅劾甚則提問追贓

使人知庶吏不可爲而可爲貪吏可爲而不可爲其於吏治民生非小補也

一曰省直壓徵宜仍舊錢糧之有壓徵也或緣地方灾沴以展期代

恩蠲或緣秋晚開徵因那新以續舊從來相沿久矣當軍興清晏之日習爲固然值新舊綜核之際駭爲忤事宜乎上煩

聖裁而屢有詰問也臣等斟酌於寬嚴之中欲以類徵五分待壓徵之州縣而臣同官康新民亦以

爲言已荷

俞旨今該撫按查明奏

請自當立爲畫一規則但恐該撫按猶豫於嚴督司
府勒限完解之

旨奉行查催而小民訛傳改壓爲見騷然搖動臣念
民間物力止有此數壓者齊之使見將見者或
欠之成壓雖有良吏上農固不能使西北再刈
麥而東南再獲稻一歲播兩年之種也臣願

皇上俯察民情而特加軫恤也則仍舊便心一六

七兩年舊餉宜蠲

冊立皇儲

恩詔載省直夏稅秋糧本折拖欠蠲至七年爲止但
中有已徵在官及那移別用俱照舊起解夫有
司之那用與否臣部不及知小民之拖欠與否
撫按未能信商駁核覆耽日費時以致

浩蕩之巽命久馳四表而逋欠之虛額猶持兩端今
歲大計京邊考成猶並叅罰七年以前矣臣那
頃覆科臣史應聘疏亦曾約畧言之

聖慈隱然垂憐仍令臣部查議竊謂京邊載在考成
斷無在官不解之理卽偶有那用而事遠人非
徒爲里胥留一科騙公案耳且新派又疊加矣
物力有限新舊勢不能並急

功令有定今昔亦不任受過所宜直截註銷勿使省
直遺不了之債而有司得一意急公相與加額
頌

朝廷之寬大

內供錢糧鋪墊宜減○內蒼黎踐

君之土貢地之毛原屬惟正而不稱厲惟鋪墊一項
向謂解役小小使費耳按批稽之印鈐宛然與
本色埒是民間本折重困矣在解役或輕賣以
省輦運而京價騰貴未免包賠或倩託以被欺
騙而秤兌高下明遭抑勒往往鋪墊不敷致本
色亦久稽暴露者又有因而亡身破家者今卽
不能盡爲裁革而風行草偃獎廉自近或可仰
藉

天語申飭但求錢糧精好而鋪墊一項不妨量爲裁

損使輸將之公事早完有司之期會不爽而民間樂趨

內供如流水亦

盛世之希思也一東江兵餉宜節○島上牽制一

夢十年不破踵毛文龍之後者爲陳繼盛踵陳繼盛之後者爲劉興治如聚蠱相啖俱盡無足惜也所大可惜者津門海運本折歲費四十餘萬敲百姓膏脂付諸茫茫波濤之區未有肯報罷者今興治就誅而登撫議以皮島還朝鮮引

難民使西歸是固息肩時也乃恢復金州一說
持議正堅臣以爲金不難取而難守况乎八
十餘萬尚存乎見少全界東省尚存乎見遲則東
海取金似未有期也而關薊至急之需先爲東
江淹留剝割矣且害近而利遠當先其近者利
少而害多當舍其少者關薊之與東江利害遠
近多少必有能辨者焉願

勅廷臣博議而

聖明獨斷可也一日召買錢糧宜恤東事與而

買之例開自新兵增而召買之額溢年來邊備
方殷民力欲竭說者謂時估之不敷給價之遲
迴也固也惟是豆定六錢米定一兩近日津門
差官代買歲以十餘萬計亦照此例未常稱苦
累也比直州縣坐派太倉二十萬并襍項新餉
續准新派六釐其不足者益以生員優免此後
當不患無銀也所苦有司苟且取盈或暗派民
間以貴納賄賤糶之嗟或明科斛面以六七當
津門之十惟在議定官買官解勿重貽累里甲

再有良法於此寔定應納京邊新餉應給錢糧
量收本色以抵召買庶在民無金生粟死之苦
而在官收因利乘便之効亦至快事也一日追
贓家屬宜豁○法非顯戮罰弗及嗣追贓一條
原不欲令不肖者棄虛名而享實利使人知身
家交喪典刑足畏耳然而勘產已盡株繫堪悲
墓木欲拱千百之案猶懸屬血俱乾叅提之詞
未恕積戴盆之怨干天地之和如陶朗先之類
者朗先事關邊海銷美難寬及查當年爰書頗

多懸坐願。搜索不遺。隣省賄累不啻十族。三邊
恩赦一無蠲免。雨露之大偏遺。枯朽此外正犯已沒。
而家業盡絕。恐如明先者不少也。所宜

勅令法司及省。直撫按果事在革前身沒而產絕者。
盡與清理。具奏以俟。

裁豁勿爲獄吏所撓。勿爲怨家所罔。是亦泣罪不桀
之仁。以上十事。或就臣部身受之寃。力探要
領。或從諸臣啓事之餘。共酌時艱。于兵則願損
有餘以待不足。于民則願寬不足以釀有餘。太

約經制定而財力節。召買充餉次第可減。全書
修而征收濤橫徵科歛。一切皆塞。從此兩師効
順。挽河洗兵。庶幾加派裸徵全蠲。有且此十事
者。所謂暘者之陰雲。枯者之滴露也。揆時度勢
誠有不容稍緩者矣。乞

聖明採擇芻蕘

勅下臣部轉行各該衙門遵奉施行

崇禎四年四月三十日具

題五月初三日奉

聖旨覽奏十款俱開籌兵裕餉恤民至計內薊島秦
晉及賦役火耗等項已有屢旨召買量收本色卽
如議飭行其舊餉應蠲鋪墊應減追贓應豁的着
該衙門查明開列來看省直壓徵前着各撫按詳
核歷來緣繇如何未見回奏還立嚴限與他欽此